

周禮

卷十四至十五

地官司徒



諸暨圖書館
ZHUJI LIBRARY

諸暨圖書館

ZHUJI LIBRARY

00069

諸暨圖書館
ZHUCHI LIBRARY





諸暨圖書館
— ZHUJI LIBRARY —

周禮註疏卷第十四



漢鄭氏



唐賈公彥疏

均人掌均地政均地守均地職均人民牛馬車輦之力

政



政讀為征地征謂地守地職之稅也地守衡虞

之屬地職農圃之屬力征人民則治城郭涂巷溝渠

牛馬車輦則轉委積之屬

○政音征



均人至力政

所均地政已下總均畿內鄉遂及公邑云均地政者
謂均地守地職二者之稅使皆十一而出稅又均人
民已下方征之事○政讀至之屬○釋曰鄭破政
為征者以經政是政教之政非征稅之征故破之也

鄭又知地征是地守地職之稅者以其出稅無過地
 守地職二者故知之也云地守衡虞之屬者亦謂畿
 內川衡林衡山虞澤虞皆遣其地之民守護之及其
 入山林川澤取之者使出稅以當邦賦云地職農圃
 之屬者此即大宰九職云一曰三農二曰園圃之屬
 以九職任之因使出稅也云力征已下并車輦並是
 力征之稅若然土均云掌平地之政以均地守以均
 地事以均地貢註云所平之稅邦國都鄙也與此鄉
 遂及公邑別彼又云地貢鄭云謂諸侯之九貢與此九職之貢又不同也

上下豐年則公旬用三日焉中年則公旬用二日焉

無年則公旬用一日焉

註

豐年人食四鬴之歲也人

食二鬴為中歲人食二鬴為無歲歲無贏儲也公事

也旬均也讀如營營原隰之營易坤為均今書亦有

作旬者

○上時掌反。黼房甫反。營音均。又舒均反。又音旬。聃氏常純反。

疏

凡均至日焉。○釋曰

此所均力政者，即上人民之力征，不通牛馬車輦。故禮記王制云：用民之力，歲不過三日。是此亦據人而

言也。云以歲上下者，上即豐年，下即儉年也。豐年則公旬用三日者，公事也。旬均也，謂為事均用三日也。

○**釋**豐年至旬者。○釋曰：鄭知豐年人食四鬴已下者，案廩人云：人四鬴上也，人三鬴中也，人二鬴下也。

而知之。彼又云：不能人二鬴，則令邦移民就穀。此時則無力征矣。若然，此食二鬴而言無年，無年者，鄭云

無贏儲，仍令移民就賤，此無年與彼不能人二鬴之歲不同。彼不能人二鬴自然無贏儲也。云公事也者，

此天子之法，非諸侯之禮，不得為公君解之。故從公事而釋也。云旬均也者，王制既云：用民歲不過三日，

明不得為旬十日解之。故破從均，恐不平。故云均也。云讀如營，營原隰之營者，彼詩營營是均田之意。故

讀從之。云易坤為均，今書亦有作旬者。彼易坤為地，地德均平，是以均為義。今書今易書有作旬字者，旬

與均俱有均平之意故引為證也

凶札則無力政無財賦

註

無力政

恤其勞也無財賦恤其乏困也財賦九賦也

註

凶札至財

賦○釋曰凶謂年穀不熟札謂天下疫疠則無此力征及財賦二事此即廩入云不能人二鬴之歲○

無力至賦也○釋曰云財賦九賦也者此即大宰九賦謂口率出泉知賦中惟是九賦者以下文有地守

地職故此惟有九賦也若然上均地政不言均九賦亦均之可知

不收地守地職不

均地政

註

不收山澤及地稅亦不平計地稅也非凶

札之歲當收稅乃均之耳**三年大比則大均**

註

有年

無年大平計之若久不脩則數或闕

註

有年至或闕○釋曰經

既云大均明知有年及無年皆須大平均計之也云久不脩則數或闕者三年一闕是其久久不脩謂不

大平討則其中間不知其數不知其數則是數闕也

師氏掌以媿詔王

詔

告王以善道也文王世子曰師也

者教之以事而諭諸德者也

音美

媿

師氏至詔王○釋曰媿美也師

氏掌以前世美善之道以詔告於王庶王行其美道也○**詔**告王至者也○釋曰引文王世子者彼是師

氏教世子禮引為詔王者但詔王以道無文彼教世子與教王同故取以為證也諭曉也諸於也彼謂教

世子以君臣父子長幼之事而曉之以德今詔王亦曉之以德也**以三德教國子一**

曰至德以為道本二曰敏德以為行本三曰孝德以

知逆惡教三行一曰孝行以親父母二曰友行以尊

賢良三曰順行以事師長**詔**德行內外之稱在心為

德施之為行至德中和之德覆燾持載含容者也孔

子曰中庸之為德其至矣乎敏德仁義順時者也說

命曰敬孫務時敏厥脩乃來孝德尊祖愛親守其所

以生者也孔子曰武王周公其達孝矣乎夫孝者善

繼人之志善述人之事者也孝在三德之下三行之

上德有廣於孝而行莫尊焉國子公卿大夫之子弟

師氏教之而世子亦齒焉學君臣父子長幼之道○

下孟反下及註同知音智稱尺證反

燾徒報反說音悅孫音遜夫音扶

二德教國子王太子已下至元士之適子也云一曰至德以為道本者至德謂至極之德以為行道之本

疏

以三至師長釋曰以此

也二曰敏德以爲行本者謂敏達之德以爲行行之本也三曰孝德以知逆惡者善父母爲孝以孝德之孝以事父母則知逆惡不行也此上三德皆在心而行不見故鄭云在心爲德也云一曰孝行以親父母者行善事父母之行則能親父母冬溫夏清昏定晨省盡愛敬之事也云二曰友行以尊賢良者此行施於外人故尊事賢人良人有德行之士也云三曰順行以事師長者此亦施於外人行遜順之行事受業之師及朋友之長也○**德**行至之道○釋曰云德行內外之稱在心爲德施之爲行者案禮記云恥有其德而無其行則德在內行在外也又見經至德敏德道行爲本道行是施之於外之名又孝德云知逆惡亦是在外之事則知三德皆在內與外行爲本又三行云親父母之等故云施之爲行也云至德中和之德者案禮記中庸云致中和天地位焉故知至德是中庸之德也云覆燾持載含容者也者此至德卽中庸所云至誠一也彼說至誠無息不息則久久則徵徵則悠遠悠遠則博厚博厚則高明博厚所以載

物高明所以覆物是至德若天地覆燾持載含容者也云孔子曰中庸之爲德其至矣乎者此是論語雍也之文引之者證此至德與中庸之德爲一之意云敏德仁義順時者也者人君施政春夏行賞爲仁秋冬行罰爲義是仁義順時敏疾爲德者也又引說命曰敬遜務時敏厥脩乃來者尚書說命之篇傳說告高宗以學問之事遜順也敏疾也厥其也爲君之法當恭敬順道務在順時疾而行之則其德之脩乃從學而來引之者證仁義順時之義也云孝德尊祖愛親守其所以生者也者孝德不如上二德直能善父母爲孝施德於親而已故云守其所以生者也又引孔子曰武王周公其達孝矣乎至之事是禮記中庸文言二人通達行孝者也云夫孝者善繼人之志善述人之事者案中庸上文云無憂者其惟文王乎父作之子述之則善繼人之志據周公以武王時未太平不得制禮作樂周公攝政六年太平乃制作禮樂爲善繼文王之志則尚書云考朕昭予刑乃單文祖德是也善述人之事者據武王能述父以伐紂之事

則尚書序云惟十有一年武王伐殷是也云孝在三德之下三行之上德有廣於孝而行莫尊焉者欲見至德敏德五帝已上所行直明在心爲德而已不見其行孝德是三王已下所行德行兼見之矣故三德以孝德爲下故云德有廣於孝則至德敏德是二德廣於孝德也而行莫尊焉者三行之中孝行施於父母爲上順行友行施於外人爲下故云而行莫尊焉莫無也無尊於事父母也云國子公卿大夫之子弟者此經直言國子案禮紀王制云春秋教以禮樂冬夏教以詩書下文云王太子王子羣后之太子卿大夫元士之適子皆造焉故知國子之中有卿大夫之子也鄭不言王太子及元士之適子者略言之其實皆有也王制惟言太子適子不言弟鄭知兼有弟者大司樂及此下文皆云教國子弟連弟而言故鄭兼言弟也云師氏教之而世子亦齒焉學君臣父子長幼之道者此約文王世子文也案彼云行一物而三善皆得者惟世子而已其齒於學之謂也故世子齒於學國人觀之曰將君我而與我齒讓何也曰有父

在則禮然然而衆知父子之道矣其二曰將君我而
與我齒讓何也曰有君在則禮然然而衆著於君臣
之義矣其三曰將君我而與我齒讓何也曰長長也
然而衆知長幼之節矣是世子與國人學生齒焉之
事案此經有至德敏德孝德老子亦有三等之德案
老子道經云道可道非常道河上公云謂經術政教
之道非是然長生之道常道當以無爲養神無事安
民含光藏曜滅跡匿端不可稱以道又案德經云上
德不德是以有德河上公註云上德大古無名號之
君德大無上故言上德不德言不以德教民因循自
然其德不見故言不德是以有德者也又云下德不
失德是以無德註云下德謂號謚之君德不及上德
故言不失德以其德見其功稱是以謂之無德又云
失道而後德失德而後仁失仁而後義失義而後禮
註云道衰德化德衰而仁愛見仁衰而忿爭明義衰
而聘行玉帛又案握河紀堯曰皇道帝德非朕所專
又中候義明云洞五九禮闕郵註云闕止郵過言五
帝後洞三王之世其治各九百歲當以禮止過也案

此諸文言之此至德覆燾持載含容之德同於天地
與老子常道及上德不德爲一物皆是燧皇已上無
名號之君所行故河上公云上德無名號之君所行
也此敏德則老子云可道之道非常道下德不失德
之德亦一也故河上公云政教經術有名號之君所
行以其三皇五帝爲政皆須仁義順時故鄭云敏德
仁義順時也若然老子云失道而有德失德而有仁
者是三皇行可道之道五帝行下德不失德之德卽
堯云皇道帝德亦謂此道德於此經同爲敏德也其
三王同行考德耳其老子又云失德而有仁失仁而
有義失義而有禮禮專據三王之時故云洞五九禮
闕郵若然仁義在禮前德後則五帝與三王俱有仁
義故禮記云堯舜率天下以仁而民從之又云禹立
三年百姓以仁遠焉是以仁義關在五帝三王之間
者也若然禮記云生乎今之世反古之道
謂不行今之法全行古之道故非之也

居虎門之

左司王朝

虎門路寢門也王日視朝於路寢門外

畫虎焉以明勇猛於守宜也司猶察也察王之視朝

若有善道可行者則當前以詔王

○朝直遙反
註及下皆同

至王朝○釋曰言師氏之官既知三德三行故居路門之左畫虎之處司察王朝若有善事可行者則前

告王有所改爲也○虎門至詔王○釋曰鄭知虎門是路寢門者其路寢庭朝及庫門外之朝非常朝

之處司士所掌路門外是常朝日所朝之所經云司王朝明據此朝故鄭以路寢門外解之此卽上文以

美詔王之義也掌國中失之事以教國子第教之者使識

舊事也中中禮者也失失禮者也故書中爲得杜子

春云當爲得記君得失若春秋是也

○中鄭下仲反
註中中禮者同

杜音

疏

掌國至子弟○釋曰以其師氏知德行識其善惡得失故掌國家中禮失禮之事以教國

之子弟國之子弟即上太子已下言弟即王庶子以其諸侯已下皆以適子入國學庶子不入故知也○
國教之至是也○釋曰云教之使識舊事也者即中失之事是也云中中禮也又引子春之義從古書中為得謂得禮者中與得俱合於義故兩從之言若春秋者玉藻云動則左史書之言則右史書之是記君得失之事故云若春秋也此春秋即魯史是也謂記君之事也
凡國之貴遊子弟學焉

焉 貴遊子弟王公之子弟遊無官司者杜子春云遊當為猶言雖貴猶學

國 凡國至學焉○釋曰言凡子弟言遊者以其未仕而在學游暇習業○**國** 貴游至猶學○釋曰云王公之子弟者此即王制云王大

子王子羣后之大夫子卿大夫元士之適子公即三公羣后卿大夫元士之子略言之也云遊無官司者官司則事繁不得為遊故鄭以無官司解之鄭既以遊為無官司又引子春遊當為猶言雖貴猶學者亦義

得兩通故引之在下也

凡祭祀賓客會同喪紀軍旅王舉則從

註 舉猶行也故書舉為與杜子春云當為與謂王與

會同喪紀之事○從才用反與音預下同凡祭至則從○釋曰

社稷總是也賓客謂諸侯及卿大夫來朝聘或在朝

或在廟會同亦或在畿內或在畿外軍旅謂出畿外

征伐王舉者舉行也此數事王行之時帥氏則從以

王所在皆須詔王以美道故也○舉猶至之事○

釋曰既訓舉為行又引子春從故書為○聽治亦如之

與者亦義得兩通故亦引之在下也○聽治亦如之

註 謂土舉於野外以聽朝○治直吏反下同○釋曰即上

數事王所在皆有朝以聽治之故從○使其屬帥四夷

之隸各以其兵服守王之門外且蹕○兵服旃布弓

劔不同也門外中門之外蹕上行人不得迫王宮也

故書隸或作肆鄭司農云讀為隸

○蹕使其至且音畢**○釋**曰

云使其屬者屬即序官師氏中大夫之下有屬官上士二人并有府史胥徒之等使此入率四夷之隸若秋官蠻隸之等各使四夷隸以其本國之兵器及其服以守王之門外以衛王并使蹕止行人故云且蹕也**○釋**曰云兵服旃布及弓劍者東方南方其服布其兵劍西方北方其服旃其兵弓矢云門外中門之外者案闈人掌中門之禁則中門內也人不得入明在中門之外**朝在野外**

則守內列

釋

內列蕃營之在內者也其屬亦帥四夷

之隸守之如守王宮

釋

朝在至內列**○釋**曰云朝在野外即上文聽治是也**○釋**

內列至王宮**○釋**曰云內列蕃營之在內者言蕃營之在內謂若司戈盾云及舍設蕃盾者也案司隸職

云守野舍之厲禁上文云使其屬帥四夷之隸則二處皆帥四夷隸守之故云其屬亦帥四夷之隸守之如守王宮也

保氏掌諫王惡

詔

諫者以禮義正之文王世子曰保也

者慎其身以輔翼之而歸諸道者也

詔

保氏掌諫王惡釋曰掌

諫工惡者師氏掌三德三行以美道詔王保氏以師

氏之德行審喻王王有惡則諫之故云掌諫王惡○

釋

諫者至者也○釋曰云諫者以禮義正之者君臣

主義故知諫者以禮義諫正王也引文王世子者彼

亦是教世子法以教世子法保護王身同故引之以

其保者是保安之義故使王謹慎其身而歸於道

而養國子以道乃教之六藝一曰五禮二曰六樂三

曰五射四曰五馭五曰六書六曰九數乃教之六儀

一曰祭祀之容二曰賓客之容三曰朝廷之容四曰
喪紀之容五曰軍旅之容六曰車馬之容

註

養國子

以道者以師氏之德行審諭之而後教之以藝儀也

五禮吉凶賓軍嘉也六樂雲門大咸大韶大夏大濩

大武也鄭司農云五射白矢參連剡注襄尺井儀也

五馭鳴和鸞逐水曲過君表舞交衢逐禽左六書象

形會意轉註處事假借諧聲也九數方田粟米差分

少廣商功均輸方程贏不足旁要今有重差夕桀句

股也祭祀之容穆穆皇皇賓客之容嚴恪矜莊朝廷

之容濟濟蹉蹉喪紀之容涕涕翔翔軍旅之容闕闕

仰仰車馬之容顛顛堂堂玄謂祭祀之容齊齊皇皇

賓客之容穆穆皇皇朝廷之容濟濟翔翔喪紀之容

纍纍顛顛軍旅之容暨暨路路車馬之容匪匪翼翼

○馭音御德行下孟反下文及註同刺羊甚反注之

樹反下同襄音讓本作讓諸音非差初佳反又初宜

反下同重直龍反夕榮音的沈祥易反此二字非鄭

註嚴如字又音儼濟子禮反蹉七良反闕呼檻反仰

本又作印五剛反濟皇上子禮反又音齊下于况反

又音往纍顛上律悲反下音田又如字暨其器反諮

五格反匪而養至教之○釋曰此道所上師氏三

芳非反

乃教之六藝已下此乃保氏所專教也○**國**養國至

翼翼○釋曰案文王世子云大傅審父子君臣之道

以示之少傅奉世子以觀太傅之德行而審喻之師也者教之以事而喻諸德者也保也者慎其身以輔翼之而歸諸道者也不云保氏以師氏之德行審喻之者鄭以義約之少傅既以大傅之德審喻之明保氏亦以師氏之德行審喻之可知故鄭言之耳云五禮吉凶賓軍嘉大宗伯文六樂雲門已下大司樂文先鄭云五射白矢已下無正文或先鄭別有所見或以義而言之云白矢者矢在侯而貫侯過見其鏃白云參連者前放一矢後三矢連續而去也云剡注者謂羽頭高鏃低而去剡剡然去襄尺者臣與君射不與君竝立襄君一尺而退云并儀者四矢貫侯如井之容儀也云五馭者馭車有五種云鳴和鸞者和在式鸞在衡案韓詩云升車則馬動馬動則鸞鳴鸞鳴則和應先鄭依此而言云逐水曲者無正文先鄭以意而言謂御車隨逐水勢之屈曲而不墜水也云過君表者謂若毛傳云褐纏旃以爲門裘纏質以爲櫬間容握駟而入轡則不得入穀梁亦云艾蘭以爲防置旃以爲轅門以葛覆質以爲禁流旁握御轡者不

得入是其過君表卽褐纏旃是也云舞交衢者衢道也謂御車在交道車旋應於舞節云逐禽左者謂御驅逆之車逆驅禽獸使左當人君以射之人君自左射故毛傳云故自左腰而射之達於右隅爲上殺又禮記云佐車止則百姓田獵是也云六書象形之等皆依許氏說文云象形者日月之類是也象日月形體而爲之云會意者武信之類是也人言爲信止戈爲武會合人意故云會意也云轉註者考老之類是也建類一首文意相受左右相註故名轉註云處事者上下之類是也人在一上爲上人在一下爲下各有其處事得其宜故名處事也云假借者令長之類是也一字兩用故名假借也六曰云諧聲者卽形聲一也江河之類是也皆以水爲形以工可爲聲但書有六體形聲實多若江河之類是左形右聲鳩鴿之類是右形左聲草藻之類是上形下聲婆娑之類是上聲下形圃國之類是外形內聲闐闐衡銜之類是外聲內形此聲形之等有六也依鄭義案孝經緯援神契三皇無文則五帝已下始有文字故說者多以

蒼頡為皇帝史而造文字起在黃帝於後滋益而多者也云九數者方田以下皆依九章算術而言云今有重差夕祭句股也者此漢法增之馬氏註以為今有重差夕祭夕祭亦是算術之名與鄭異案今九章以句股替旁要則旁要句股之類也云祭祀之容穆穆皇皇至堂堂者皆是先鄭以意所釋不依經典故後鄭不從後鄭云祭祀之容齊齊皇皇賓客之容穆穆皇皇朝廷之容濟濟翔翔已上皆禮記少儀文喪紀之容纍纍顛顛軍旅之容暨暨諮諮禮記玉藻之文車馬之容匪匪翼翼亦少儀文故鄭少儀註還引此六儀以證彼也

凡祭祀賓客會同喪紀軍旅王舉則從聽

治亦如之使其屬守王闈

闈 闈宮中之巷門

○闈音韋

闈

凡祭至王闈○釋曰言亦如之已上與師氏同從王之事其屬守王闈者亦謂在國其師氏守中門外此保氏守

王闈門

司諫掌糾萬民之德而勸之朋友正其行而強之道藝

巡問而觀察之以時書其德行道藝辨其能而可任

於國事者註朋友相切磋以善道也強猶勸也學記

曰強而弗抑則易巡問行問民間也可任於國事任

吏職○強其丈反註司諫至事者○釋曰以時書

習即大司徒所云以鄉三物教萬民一曰六德知仁

聖義忠和二曰六行孝友睦婣任恤此德行也彼又

云三曰六藝禮樂射御書數即此道藝也云辨其能

而可任於國事者案鄉大夫職云興賢者能者賢謂

德行能謂道藝彼則賢能俱興此直云辨其能可任

於國事不言賢者既辨其能則賢者自然亦辨而舉

之可知也○註朋友至吏職○釋曰案鄭註論語同

門曰朋同志曰友則彼其共在學者切磋以道義此

勸萬民為友朋則若孟子所云守望相助出入相友者同故鄭云切磋以善道也云任吏職者案鄉大夫所舉者謂鄉民之有德行道藝云辨其能為吏職者亦謂以人治之若然任吏職者謂使為比長閭胥族師之類

是也 以攷鄉里之治以詔廢置以行赦宥

問勸強萬民而考鄉里吏民罪過以告王所當罪不

○行下孟 因巡至罪不 釋曰司諫考鄉里之

反註同 治者由上文巡問即察官民善不也云 而考鄉里吏民罪過者以巡問觀察萬

民則知吏之治不故鄭兼吏民總言之 司救掌萬民之衰惡過失而誅讓之以禮防禁而救之

註 衰惡謂侮慢長老語言無忌而未麗於罪者過失

亦由衰惡齟齬好訟若抽拔兵器誤以行傷害人麗

於罪者誅誅責也古者重刑且責怒之未即罪也救○

如字劉音拘袞似嗟反註作邪同司救至救之○

酏况付反營音詠好訟呼報反釋曰云掌萬民

之袞惡過失而誅讓之者此經與下文二經為總目

也則云袞惡謂坐嘉石之罷民不入園土者過失謂

不坐嘉石入園土者也云而誅讓之者即下二文三

讓是也云以禮防禁而救之者此袞惡及過失皆去

冠飾其過失者又使入園土耳云救之者皆使困苦

而令改惡從善是救之也○釋曰袞惡至罪也○釋曰

袞惡云未麗於罪者謂未附於園土之罪也云酏營

者孔註尚書曰以酒為凶曰酏此據字酒旁為凶是

因酒為凶者也若然營者榮下作酉小人飲酒一醉

日富亦因酒為榮俱是酒之省水之字也云麗於罪

者謂附園土罪者也云古者重刑且責怒之未即罪

也者鄭云古者重刑者據周時為古云責解經誅怒

之解經罰也云未即罪者各有對此園土對五刑

之刑人則是未即罪也以其未入五刑之罪且役之

耳鄭必知過失亦由袞惡者司寇職云以嘉石平罷
民又云園土收教罷民二者同名罷民以其為惡大
者皆因小以致大故知過凡民之有袞惡者三讓而
失之重亦因袞惡之輕也

罰三罰而士加明刑恥諸嘉石役諸司空謂撻

擊之也加明刑者去其冠飾而書其袞惡之狀著之

背也嘉石朝士所掌在外朝之門左使坐焉以恥辱

之既而役諸司空使事官作之也坐役之數存於司

寇去起呂反著直略反一音丁略反凡民至司空。釋曰此一經

讓而罰者凡欲治罰人者皆先以言語責讓之乃行
治罰云三罰而士加明刑三罰既訖乃送司寇使朝
士於外朝坐嘉石恥之也云役諸司空者坐訖乃送
司空使役之也。謂謂至司寇。釋曰云加明刑

者去其冠飾者案司園云凡害人者弗使冠飾彼據
 過失入園土者使冠尊不居肉袒之體豈嘉石之罷
 民而著冠乎明其去冠飾也知書其罪狀者以其稱
 明刑既不虧體明知書其罪狀著於背為明刑也云
 嘉石朝士至外朝之門左並朝士職文故彼云左嘉
 石平罷民也云役諸司空使事官作之也者以其司
 空主事故也云坐役之數存於司寇者司寇云重罪
 旬有三日坐替役其次九日坐九月役其次七日坐
 七月役其次五日坐五月役其下罪
 三日坐三月役是其坐役之數也 其有過失者三

讓而罰三罰而歸於園土園土獄城也過失近罪

晝日任之以事而收之夜藏於獄亦加明刑以恥之

不使坐嘉石其罪已著未忍刑之 ○近附 其有至

釋曰此經論園土之刑人云三讓而罰者亦如上三
 度責讓乃治罰之三罰訖乃歸與司寇使納之園土

也。○**圜**上至刑之。釋曰云過失近罪者謂對袞惡未近罪此圜土之刑人近五刑之罪故入圜土也云晝日任之以事者亦使司空使之云收之者以其罪重使人收斂之不使漫游云夜藏於獄者此與嘉石者異云亦加明刑者亦如嘉石以書其罪狀著於背以恥之云不使坐嘉石其罪已著者彼坐嘉石者罪輕未著須坐嘉石使衆人知之此等罪重已著不須坐嘉石也云未忍刑之者此五刑之罪又輕故未忍刑之也**凡歲時有天患民病則以節巡國中及郊野而以王命施惠****節**天患謂裁害也節旌節也施惠調恤之**節**天患至恤之。釋曰天患謂裁害也者謂天與人物爲裁害謂水旱之裁及疫病之害也知節是旌節者道路用旌節此經巡國及郊野是道路之事故知旌節也

調人掌司萬民之難而諧和之**節**難相與爲仇讎諧猶

調也。釋曰：此一經與下經為總目。言萬民之難，卽下經凡和難已下是也。

難相與為仇讎。釋曰：言仇讎者，案左氏桓公傳云：怨耦曰仇，則仇是怨也。讎謂報也。卽下文父之讎已

下皆是怨當報。凡過而殺傷人者，以民成之。過無

之故云仇讎也。本意也。成平也。鄭司農云：以民成之，謂立證佐成其

罪也。一說以鄉里之民共和解之。春秋傳曰：惠伯成

之之屬。凡過至成之。釋曰：此謂非故心是過，誤

鄉里之民共和解之。過無至之屬。釋曰：先鄭

雖為兩說，後鄭以後說為是。故下註云：上說立證佐

成其罪，似非也。此過失卽司刺云：再宥曰過失是也。

引春秋者，左氏文七年傳曰：魯穆伯娶於莒，曰戴已。

其娣聲曰戴已卒，又聘於莒，莒人以聲已辭，則為襄

仲聘焉。又云：且為仲迎及鄆，陵登城見之美，自為娶。

之仲請攻之公將許之叔仲惠伯諫曰臣聞兵作於
內為亂於外為寇寇猶及人亂自及也今臣作亂而
君不禁以啓寇讎若之何公止之惠伯成之註云平
二子使仲舍之公孫敖反之復為兄弟如初是其事
也
鳥獸亦如之
過失殺傷人之畜產者
○畜許
又反

鳥獸亦如之○釋曰亦謂過誤殺傷人之鳥獸若鷹
隼牛馬之屬亦以民平和之案今殺傷人牛馬之等
償其價直耳和之使辟
於此不得就而仇之
凡和難父之讎辟諸海外兄

弟之讎辟諸千里之外從父兄弟之讎不同國君之
讎
眡父師長之讎
眡兄弟主友之讎
眡從父兄弟

和之使辟於此不得就而仇之九夷八蠻六戎五狄

謂之四海主大夫君也春秋傳曰晉荀偃卒而視不

可舍宣子盥而撫之曰事吳敢不如事主

○辟音避
下同從才

用反眡音

眡

凡和至兄弟○釋曰云父之讎辟諸海

視盥音管外已下皆是殺人之賊王法所當討即

合殺之但未殺之間雖以會赦猶當使離鄉辟讎也

是以父之讎辟之海外兄弟之讎辟諸千里之外從

父兄弟之讎不同國別國即得云君之讎眡父者謂

司國人殺君眡猶比比父亦辟之海外云師長之讎

眡兄弟者師長謂見受業師與兄弟同云主友之讎

眡從父兄弟者註云主大夫君也此經略言其不言
者言以服約之伯叔父母姑姊妹女子在室及兄
弟子衆子一與兄弟同其祖父母曾祖父母高祖父
母其孫承後皆斬衰皆與父同其不承後者祖與伯
叔同曾祖高祖齊衰三月皆與從父兄弟同以其同
繩屨故也自外不見者據服為斷也其兄弟及從父
兄弟師長主友皆為無子復無親於已者故據已親
疎為遠近若有子及親於已則自從親為斷○**和**
之至事主○釋曰云和之使辟於此者此謂海外十

里外之等云九夷之等據職方明堂位而言案漢時
徐州刺史荀文若問玄周禮父之讎辟之海外今青
州人讎在遼東可以王法縱不討乎當問之時玄已
年老昏耄意忘九夷入蠻六戎五狄謂之四海然則
周禮在四海之外辟之如是亦是遠矣近則青州遼
東作難未達周公聖意所趣若文若之難海水爲四
海故今辨之然讎近東夷之人當辟之西戎餘皆放
此引春秋者襄十八年左氏晉荀偃伐齊十九年反
荀偃癰疽生瘍於頭濟河及著雍病目出士句請見
不納請後曰鄭甥可甲寅卒而視不可含宣子盥而
撫之曰事吳敢不如事主是也趙商問謂人職稱父
之讎辟諸海外君亦然註使辟於此不得就而讎之
商以春秋之義子不復讎非子臣不討賊非臣楚勝
之徒猶言鄭人在此讎不遠矣不可以見讎而不討
於是伐之臣感君恩孝子思其親不得不報和之而
已子夏曰居父母之仇如之何孔子曰寢苦枕干不
仕不與共天下遇諸市朝不反兵天下尚不反兵海
內何爲和之豈宜不達二禮所趣小子曰惑少蒙解

說鄭答曰讎在九夷之東八蠻之南六戎之西五狄之北雖有至孝之心能往討不乎子之所云偏於此義案楚勝平王之孫子木之子平王為子木聘女於秦而自納之子木奔鄭子木為鄭人殺之案哀十六年云子木其子勝在吳子西召之使處境為白公請伐鄭子西曰楚未節也不然吾不忘也他日又請許之未起師晉人伐鄭楚救之與盟勝怒曰鄭人在此讎不遠矣又云秋七月殺子西子期于朝是其事也若然鄭云雖有至孝之心能往討之不乎者欲明孝子雖會赦恒有復讎之心故逆之海外使絕忠臣孝子心使無往之緣其孔子云寢苦枕干不仕者可通之會赦之後恒然其君不然恐來入中國則殺之也復讎之法依異義古周禮說復讎可盡五世之內五世之外施之於已則無義施之於彼則無罪所復者惟謂殺者之身乃在被殺者子孫可盡五世得復之鄭從之也

以執之

註

瑞節玉節之剡圭也和之而不肯辟者是

弗辟則與之瑞節而

不從王命也王以剡圭使調人執之治其罪

釋弗辟不執

之○釋曰此經使辟者其人戀鄉不肯辟是違王命之人則在上與調人瑞節執而付秋官與之罪也○

釋瑞節至其罪○釋曰鄭知瑞節是剡圭者案典瑞云剡圭以和難故知是剡圭也鄭又知使調人執瑞

節不使死家執之者此玉法治之明使調人之官執之也**凡殺人有反殺者使邦**

國交讎之

釋

反復也復殺之者此欲除害弱敵也邦

國交讎之明不和諸侯得者即誅之鄭司農云有反

殺者謂重殺也

○重直用反**釋**比殺至讎之○釋曰云有反殺者反復也謂既殺一

人其有子弟復殺之恐後與已為敵而害已故鄭云欲除害弱敵也云邦國交讎之者其殺人者或逃向鄰國所之之國得則讎之故云邦國交讎之也**凡殺人而義者不同國令勿**

讎讎之則死

國

義宜也謂父母兄弟師長嘗辱焉而

殺之者如是為得其宜雖所殺者人之父兄不得讎

也使之不同國而已

國

義宜至而已○釋曰論語

此有義者也故云義宜也謂父母兄弟師長三者嘗

辱焉子弟及弟子則得殺之是得其宜也云雖所殺

者人之父兄不得讎也者直言父兄不言子弟略之也古者質故三者被辱即得殺之也

怒者成之不可成者則書之先動者誅之

國

鬪怒辯

訟者也不可成不可平也書之記其姓名辯本也鄭

司農云成之謂和之也和之猶今二千石以令解仇

恐後復相報移徙之此其類也玄謂上言立證佐成

其罪似非 ○復扶又反
下不復聽同 **怒**凡有至誅之○釋曰言鬪

擊故成之若相毆擊則當罪之也故鄭云鬪怒謂辯
訟也○**玄**謂至似非○釋曰云上言立證者即經

云過而殺傷人者以民成之司農於彼註兩解之初
解成謂立證佐成其罪復一解成爲和平之義此註

先鄭復云成之謂和之以和解成則上
文云立證佐成其罪似非取以破前也

媒氏掌萬民之判

判半也得耦爲合主合其半成夫

婦也喪服傳曰夫妻判合鄭司農云主萬民之判合

判判半至判合○釋曰云得耦爲合者始雖以萬
民爲主上至天子皆得耦爲合主於萬民而言但

士以上兼妾媵爲異耳引 **凡男女自成名以上皆書**
喪服傳者證判爲合義

年月日名焉鄭司農云成名謂子生三月父名之

○上時凡男至名焉。釋曰此經論媒氏之官合掌反。

三月父名之以後皆書年月日及名以送與媒氏。媒氏官得之以勸男三十女二十配成夫婦也。○成

名至名之。○釋曰子生三月父名之禮記內則文案內則三月之末父執子右手孩而名之又云夫告宰

名宰辯告諸男名書曰某年某月某日某生而藏之註引桓六年九月丁卯子同生是也。令男三

十而娶女二十而嫁。二三三者天地相承覆之數也。

易曰參天兩地而奇數焉。○奇於豈反本。或作倚音同。至數焉。

○釋曰云二三者天地相承覆之數也者比二十女三十男法天地相承覆之數也云易曰參天兩地而

奇數焉者案易繫辭云天一地二天三地四地五地六是就奇數之中天三度生地二度生象天二覆地

二故云天地相承覆之數也。凡娶判妻入子者皆書之。書之者

以別未成昏禮者鄭司農云入子者謂嫁女者也云

謂言入子者容媵姪娣不聘之者

○別彼列反下同

疏 凡娶至書

之○釋曰云凡者以其此經總說天子已下娶妻及媵之事故云凡以廣之○**書**之至之者○釋曰媵

氏以男女既有未成昏之藉書其已成昏者以別未昏以待後昏也先鄭云入子者謂嫁女後鄭不從者

經判妻已是嫁女後更言入子明非嫁女也故後鄭云玄謂言入子者容媵姪娣不聘之者也案成公九

年春二月伯姬歸于宋夏晉人來媵是媵也姪娣而書者謂待年於父母者也隱二年冬伯姬歸於紀七

年春三月叔姬歸于紀何休云叔姬者伯姬之媵也至是乃歸者待年父母國也婦人八歲備數十五從

嫡二十承事君子媵賤書者後為嫡終有賢行鄭君或與何休異如是言娶判妻姪娣後去者則存焉故

入子謂媵與姪娣後去者也案昏禮云雖無娣媵先則媵與姪娣一也此鄭云媵姪娣不止是一者既言

媵又云姪娣故知別且媵與姪娣相對則姪娣無媵稱故莊公十九年秋公子結媵陳人之婦于鄆公羊云媵者何諸侯娶一國則二國往媵之以姪娣從是其義也媒氏掌萬民之判得有媵與姪娣者庶人或無妾亦容有者且媒氏所掌雖以萬民爲主亦容有尊者娶法故鄭云容媵姪娣不聘也知不聘者見內則云聘則爲妻奔則爲妾故也王肅曰周官云令男三十而娶女二十嫁謂男女之限嫁娶不得過此也三十之男二十之女不待禮而行之所奔者不禁娶何三十之限前賢有言丈夫二十不敢不有室女子十五不敢不有其家家語魯哀公問於孔子男子十六精通女子十四而化是則可以生民矣聞禮男三十而有室女二十而有夫豈不晚哉孔子曰夫禮言其極亦不是過男子二十而冠有爲人父之端女子十五許嫁有適人之道於此以往則自昏矣然則三十之男二十之女中春之月者所謂言其極法耳昭禮記本命曰中男三十而娶女二十而嫁合於申笄人古男五十而有室女三十而嫁尚書大傳曰孔

子曰男三十而娶女二十而嫁通於織紉紡績之事
黼黻文章之美不若是則上無以孝於舅姑而下無
以事夫養子穀梁傳曰男子二十而冠冠而列丈夫
三十而娶尹更始云男三十而娶女十五許嫁笄二
十而嫁曲禮三十曰壯有室盧氏云三十盛壯可以
取女內則三十而有室始理男事女子十五笄二十
而嫁有故二十三而嫁經有夫婦之長殤舊說三十
而娶而有夫婦長殤者何關盛衰一說關畏歛溺而
殤之盧氏以為衰世之禮也張融從鄭及諸家說又
春秋外傳越王勾踐蕃育人民以速報吳故男二十
而娶女子十七而嫁如是足明正禮

男女

註

中春陰陽交以成昏禮順天時也

疏

中春至男女○

釋曰王肅論云吾幼為鄭學之時為謬言尋其義乃
知古人可以於冬自馬氏以來乃因周官而有二月
詩東門之揚其葉泂泂毛傳曰男女失時不逮秋冬
三星參也十月而見東方時可以嫁娶又云時尚暇

務須合昏因萬物閉藏於冬而用生育之時娶妻入室長養之母亦不失也孫卿曰霜降逆女冰泮殺止詩曰將子無怒秋以為期韓詩傳亦曰古者霜降逆女冰泮殺止士如歸妻迨冰未泮為此驗也而玄云歸使之來歸於已謂請期時來歸之言非請期之名也或曰親迎用昏而曰旭日始旦何用哉詩以鳴雁之時納采以感時而親迎而周官中春令會男女之無夫家者於是時奔者不禁則昏姻之期非此日也孔子家語曰霜降而婦功成嫁娶者行焉冰泮而農業起昏禮殺於此又曰冬合男女秋班時位也詩曰有女懷春吉士誘之春日遲遲女心傷悲綢繆束芻三星在隅我行其野蔽芾其樛倉庚于飛熠燿其羽詩殷頌曰天命玄鳥降而生商月令仲春玄鳥至之日以太牢祠于高禘天子親往玄鳥生乳之月以為嫁娶之候天子重之而祀焉凡此皆與仲春嫁娶為候者也夏小正曰二月冠子嫁女娶妻之時秋以為期此淫奔之詩夏小正曰二月綏多士女交昏於仲春易泰卦六五帝乙歸妹以祉元吉鄭說之五爻辰

在卯春爲陽中萬物以生生者嫁娶之貴仲春之
月嫁娶男女之禮福祿大吉易之咸卦柔上剛下二
氣感應以相與皆說男下女召南草蟲之詩夫人待
禮隨從有塗見采蘋者以詩自興又云士如歸妻迨
冰未泮舊詩云士如歸妻我尚及冰未定納其篇義
六嫁娶以春陽氣始生萬物嫁娶亦爲生類故管子
篇時令云春以令男女融謹案春秋魯送夫人嫁女
四時通用無譏文然則孔子制素王之法以遺後世
男女以及時盛年爲得不限以日月家語限以冬不
附於春秋之正經如是則非孔子之言嫁娶也以仲
春著在詩易夏小正之文且仲春爲有譏之言秋冬
春三時嫁娶何自違也家語冬合男女窮天數之語
詩易禮傳所載咸泰歸妹之卦國風行露綢繆有女
懷春倉庚于飛熠燿其羽春日遲遲樂與公子同歸
之歌小雅我行其野蔽芾其樛之歎此春娶之證也
禮諸侯越國娶女仲春及冰未散請期乃足容往反
也秋如期往淫奔之女不能待年故設秋迎之期標
有梅之詩殷紂暴亂娶失其盛時之年習亂思治故

戒文王能使男女得及其時陳晉棄周禮為國亂悲
 傷故刺昏姻不及仲春玄說云嫁娶以仲春既有羣
 證故孔晁曰有女懷春毛云春不服待秋春日遲遲
 女心傷悲謂蠶事始起感事而出蔽芾其樛喻愚惡
 夫燿燿其羽喻嫁娶之盛飾三星在隅孟冬之月參
 見東方舉正昏以刺時此雖用毛義未若鄭云用仲
 春為正禮為密也是以詩云匏有苦葉濟有深涉箋
 云匏葉苦而渡處深謂八月特特陰陽交會始可以
 為昏禮納采問名又云士如婦妻迨冰未泮箋云婦
 妻使之來歸於已謂請期冰未散正月中以二月
 可以為昏然則以二月為得其
 實惟為有故者得不用仲春
於是時也奔者不禁
 重天時權許之也
 是時謂是仲春時此月既足
 娶女之月若有父母不娶不嫁之者自相奔就亦不
 禁之但人而無禮胡不適死以當禮乃可得為配言
 奔者不禁者鄭云權
 許之其實非正禮也
若無故而不用令者罰之
 無

註

註

註

故謂無喪禍之變也有喪禍者娶得用非中春之月

雜記曰已雖小功既卒哭可以冠子娶妻

○冠古與反

疏

釋無故至娶妻○釋曰言令者即上中春之月令會

男女男女有喪禍之故得不用中春令無故不用令

則罪罰之也註引雜記者證喪禍之故於月數滿雖

非中春可以嫁娶也云已雖小功者彼上文有父小

功之未可以冠娶故云已雖小功也

司男女之無夫家者而會之疏司

猶察也無夫家謂男女之鰥寡者

疏

司男至會之○釋曰上文已云

令會男女謂無夫家者也今又言司察男女無夫家

是嘗已有匹配故鄭云無夫家謂男女之鰥寡者也

凡嫁子娶妻入幣純帛無過五兩

疏

純實緇字也古

緇以才為聲納幣用緇婦人陰也凡於娶禮必用其

類五兩十端也必言兩者欲得其配合之名十者象

五行十日相成也士大夫乃以玄纁束帛天子加以

穀圭諸侯加以大璋雜記曰納幣一束束五兩兩五

尋然則每端二丈

○純側其反依字從系才



純實至二丈○釋曰凡嫁子娶妻

含尊卑但云緇帛文主庶人耳註純實緇字也古緇以才為聲者緇以絲為形才為聲故誤為純字但古之緇有二種其緇布之緇系旁留後不誤故禮有緇布冠緇布衣存古字若以絲帛之緇則系旁才此字諸處不同絲理明者即破為色此純帛交祭義蠶事以為純服故論語云麻冕禮也今也純儉如此之類皆絲理自明即為色解之昏禮云女次純衣鄭云純衣絲衣以昏禮直云純衣絲理不明故為絲衣解之也云五兩十端者古者二端相向卷之共為一兩五兩故十端也云十者象五行十口相成者左傳云天

有六氣降生五行行各有二日東方木爲甲乙南方
火爲丙丁中央土爲戊己西方金爲庚辛北方水爲
壬癸是十日言相成者水八爲金九妻五七爲水六
妻十十爲木八妻金九爲火七妻水六爲土五妻所
尅者爲妻是夫妻相成之數云士大夫乃以玄纁束
帛者案士昏禮玄纁束帛大夫昏禮而有改娶者依
士禮用玄纁故云士大夫用玄纁云天子加以穀圭
諸侯加以大璋者玉人文謂加於玄纁束帛之上以
行禮引雜記者證五兩兩五尋四十尺之意云納幣
一束束五兩兩五尋者尋八尺則一兩四十尺五兩
四五二十總二百尺故鄭玄云然則每端二丈若餘
行禮則用制幣丈八尺取儉易共此昏禮每端二丈
取誠實之義故以**禁遷葬者與嫁殤者****遷葬謂生**
二丈整數爲之也時非夫婦死旣葬遷之使相從也殤十九以下未嫁
而死者生不以禮相接死而合之是亦亂人倫者也

鄭司農云嫁殤者謂嫁死人也今時娶會是也

疏 禁遷

至殤者。釋曰遷葬謂成人鰥寡生時非夫婦死乃嫁之嫁殤者生年十九已下而死死乃嫁之不言殤

娶者舉女殤男可知也 凡男女之陰訟聽之于勝國之社其附

于刑者歸之于士 **疏** 陰訟爭中冓之事以觸法者勝

國亡國也亡國之社掩其上而棧其下使無所通就

之以聽陰訟之情明不當宣露其罪不在赦宥者直

歸士而刑之不復以聽士司寇之屬詩云牆有茨不

可掃也中冓之言不可道也所可道也言之醜也 **疏** 中冓

古侯反棧士板反劉才產 **疏** 陰訟至醜也。釋曰反或上諫反茨音疾私反 **疏** 陰訟爭中冓之事者

謂若詩之中冓以觸法也云勝國亡國也者此社有四名若此往勝得彼國將社來謂之勝國卽此文是也若據彼國喪亡則謂之亡國之社引公羊傳者是也又名喪國之社郊特牲云喪國之社必屋之是也據其地則曰亳社則左傳云亳社裁是也故云勝國亡國也故鄭引公羊傳云勝國亡國也云亡國之社者公羊傳文云奄其上者卽郊特牲屋之不受天陽者是也云棧其下者謂於丁著柴以棧之使不通陰故也故云使無所通也云就之以聽陰訟之情明不當宣露者以其勝國社上不不通是不宣露中冓之言亦不宣露故就而聽之也若然案詩召伯聽男女之訟於甘棠之下不在勝國社者彼謂周公未制禮前此據制禮之後故不同云其罪不在赦宥者直歸士而刑之不復以聽釋經附於刑者歸於士若然赦宥者媒氏聽之云士司寇之屬者案司寇有士師之等屬司寇故云之屬是以鄭註詩亦云士師所當審也詩者邶詩刺衛宣公之詩引之者證經所聽者是中冓之言也

司市掌市之治教政刑量度禁令

量豆區斗斛之屬

度丈尺也

○治直吏反下及大治小治同區烏侯反

司市至禁令○釋曰此經與下文為

總目云掌市之治者下文云聽大治小治是也教即此下文以次敘分地之等謂教之處置貨物是也政

者即下文云以政令禁物靡等是也刑者即下文云以刑罰禁穢是也量度即下文云以量度成賈是也

禁令者即下文云以賈民禁偽是也○量豆至尺也○釋曰豆區斗斛之屬者豆區即昭三年晏子云

齊舊四量豆區釜鍾是也云斗斛即律歷志云籥合升斗斛是也此不言釜鍾與籥升者之屬中兼之也

以次敘分地而經市

次謂吏所治舍息次介次也

若今市亭然敘肆行列也經界也

○行戶剛反下行列同

至經市○釋曰司市之官以次敘二事分地而置之而以經界其市使各有處所不相雜亂也○次謂

至界也。○釋曰云次謂吏所治舍者吏即下文司市賈師泄思次介次者是也云若今市亭然者舉漢法而言云敘肆行列也者以其言敘即行肆之列故為行列解之案內宰職云設其次置其敘正其肆註云次思次序介次不為行列與此註違者彼云次與敘下更云正其肆則肆為行列故分次為思次以敘為介次也此文不具直有次敘無言正其肆故并思次同名為次敘為行列此鄭望文為義故註不同以

陳肆辨物而平市
陳猶列也辨物物異肆也肆異

則市平
肆以陳至平市。○釋曰陳列也謂行列其塵肆而辨其物物異則市賈平故云平市也

以政令禁物靡而均市
物靡者易售而無用禁之

則市均鄭司農云靡謂侈靡也。○易以豉反下之易同售受又反

釋曰司市出政令而禁其物貨細靡者但物貨細靡人買之者多貴而無用令使麤物買之者少而賤使

市賈不平令禁之則市物均平故云均市也

以商賈阜貨而行布

通物

曰商居賣物曰賈阜猶盛也鄭司農云布謂泉也

音古註曰賈下

通

以商至行布○釋曰鄭知通物曰

商賈賈師皆同

通

商者易云至日閉關商旅不行除

至之日商旅則行故鄭註太宰云行曰商行商則是

通物者也鄭知居賣物曰賈者商既通物明賈則在

市而居賣物者也故鄭註太宰云處曰賈也由此二

等商賈或通貨或在市賣之故貨賄阜盛而布泉得

行故云阜貨

以量度成賈而徵債

通

徵召也債買也

而行布也

物有定價則買者來也

○成賈音嫁註下不音者皆同聶氏及沈云成賈定賈奠

物賈其賈平大賈小賈賈賤恒賈而故賈凡十二

音嫁餘音古債劉音育聶氏音笛字林他竺反

疏

以量至徵債○釋曰量以量穀梁之等度以度布絹

之等成定也二物以量度以定物價徵召也債買之

物價定則召買者來故云徵債也。○**圖**徵召也。價買也。物有定賈則買者來也。○釋曰：知債為買者以言徵召買者故以債為買。此字所訓不定。案下文所云貴債者，鄭註貴賣之鄭亦望文為義，故註不同也。

以質劑結信而止訟

圖

質劑謂兩書一札而別之也。

若今下手書言保物要還矣。鄭司農云：質劑，月平劑。

子隨反。平，皮命反。下，月平同。○**圖**以質至止訟。○釋曰：質劑謂券書。

之使有信也。民之獄訟，本由無信。既結信，則無訟，故云止訟也。○**圖**質劑至月平。○釋曰：下質人云大市。

以質小市以劑，故知質劑是券書。是以鄭云兩書一札而別之。古者未有紙，故以札書。小宰職註云：兩書一札而別之。

此不云同明，亦有同義也。鄭云：若今下手書者，漢時下手書，即今畫指券與古質劑同也。

先鄭云：質劑，月平小宰。先鄭註亦如此解，以為月平。

若今之市，佑文書亦得為一義。故後鄭每引之在下。

若今之市，佑文書亦得為一義。故後鄭每引之在下。

若今之市，佑文書亦得為一義。故後鄭每引之在下。

若今之市，佑文書亦得為一義。故後鄭每引之在下。

若今之市，佑文書亦得為一義。故後鄭每引之在下。

也 以賈民禁偽而除詐 **釋** 賈民胥師賈師之屬必以

賈民為之者知物之情偽與實詐 **釋** 賈民劉音嫁聶 沈音古註賈民同

詘 以賈至除詐 **釋** 曰司市之官用賈民知物真偽 者使禁物之偽而除去人之詐虛也 **詘** 賈民至

實詐 **釋** 曰知賈民是胥師賈師之屬者案下胥師 職云察其詐偽飾行償愚者而誅罰之故知此賈民

禁偽是胥師賈師之屬謂屬胥師賈師受其役使也 云知物之情偽與實詐者直依經解之情則真也情

偽既據物而言則言 **以刑罰禁黷而去盜** **釋** 刑罰憲 實詐據人而說也

狗扑 **釋** 薄報反去起呂 **詘** 以刑至去盜 **釋** 曰刑 反扑普十反下文同 **詘** 期於無刑以殺止殺故

以刑罰禁黷亂之人又去其相盜竊也 **詘** 刑罰憲 狗扑 **釋** 曰知刑罰是憲狗扑者司市所施惟施於

市中者故下云小刑憲罰中刑狗罰大刑扑 **以臬府** 罰其附於刑者歸於士故知惟有此三者也

同貨而歛賒

註

同共也同者謂民貨不售則為歛而

買之民無貨則賒貫而予之

賒傷蛇反共如字為于偽反下為以同貫音

世貸也劉傷夜

註

以泉至歛賒○釋曰下文有泉府

反一時夜反

市之官以泉府所藏之布物與民同行其貨而民無財者賒而予之後歛取其直故云同貨而歛賒也○

註同共至予之

釋曰云同者謂民貨不售則為歛而買之者民賣物不售則以泉府之物買取之釋經

同貨也民無貨則賒貫而予之者此謂所買得之物

民有急須而無貨者則貫予之有時歛取其直釋經

歛賒也但賒貫

大字通也 大市日廼而市百族為主朝市朝時

而市商賈為主夕市夕時而市販夫販婦為主

註

日

廼朕中也市雜聚之處言主者謂其多者也百族必

容來去商賈家於市城販夫販婦朝資夕賣因其便

而分為三時之市所以了物極衆鄭司農云百族百

姓也○廼音側木又作旻大市至為主○釋曰案

步就百步而分為三時之市恐不可若然則一夫者

據市亭置次與敎司市及賈師胥師聽事之處取其

列行肆之處則居地多矣今經有三時之市不先言

朝市夕市而先言日廼者據向市人多而稱大市故

先言之此三市皆於一院內為之大市於中朝市於

東偏夕市於西偏郊特牲所云是也○釋曰廼至姓

也○釋曰云日廼跌中者廼者傾側之義跌者差

跌之言故以跌解廼也是以尚書無逸云文王至於

日中廼不遑暇食是中後稱廼也云市雜聚之處言

主者謂多者也者謂言百族為主則兼有商賈販夫

販婦云商賈為主則兼有百族販夫販婦云販夫販

婦為主則兼有百族與商賈也云百族必容來去者

百族或在城由或在城外者容其來往故於口廛以
後主之云商賈家於市城者行曰商居曰賈即賈家
於市今并言者其商雖行通物亦容於市也云朝資
夕賣者資若冬資綿夏資絀之類則資者朝買資之
至夕乃賣故以資言之云所以了物極眾者以分爲
三市者欲了其所賣之物極盡其眾也先鄭云百族
百姓也者欲見此百姓異於秋官司寇戒於百族彼
百族是府史以下此據市人稱百族明據天下百姓
亦非百官百姓對則正姓與氏族異通凡市入則胥
而言之氏族則庶姓故以百姓爲百族

執鞭度守門市之羣吏平肆展成奠賈上旌于息次
以令市市師涖焉而聽大治大訟胥師賈師涖于介
次而聽小治小訟



凡市入謂三時之市市者入也

胥守門察僞詐也必執鞭度以威正人眾也度謂及

也。因刻丈尺耳。羣吏胥師以下也。平肆平賣物者之
 行列使之正也。展之言整也。成平也。會平成市物者
 也。奠讀為定。整勅會者。使定物賈防誑豫也。上旌者
 以為眾望也。見旌則知當市也。息次若今市亭也。市
 師司市也。介次市亭之屬。別小者也。故書涖作立。杜
 子春云。奠當為定。鄭司農云。息辭也。次市中候樓也。
 立當為涖。涖視也。玄謂息當為司。字聲之誤也。○奠音定
 又田見反。上時掌反。註同凡市至誤也。○釋曰。鄭
 同。受音殊。誑九况反。註知凡市入是上三時之市
 者。以其言凡明總三時之市云。胥守門察偽詐也。者
 以其執度之故也。云必執鞭度以威正人眾也。者鞭

以威人衆度以正人衆故并言之也云度謂及也者
案下文廬人云數兵同彈註云改句言數容及無亦
此文鞭度連言則一物以爲二庠若以繫鞞於上則
爲鞭以長丈二因刻丈尺則爲度知羣吏胥師以下
者見下司稽職云執鞭度而巡其前此亦執鞭度故
知是胥師以下敘官云胥師二十肆則一人胥二肆
則一人鄭云胥師領羣胥則胥師已下非直巡行肆
亦更來守門故鄭總云胥師已下知平肆是平賣物
者之行列使之正者以是經直云平肆肆是行列恐
其行肆不正以正之也云展之言整也成平也會平
成市物者也云奠讀爲定者鄭以爲平成市整較會
者使定物價恐有豫爲誑欺故云防誑豫先鄭云思
辭也後鄭以爲思則司字聲之誤也者下云介次不
爲辭明思不得爲辭直是思司聲同故誤爲思也此
思司聲同不得爲字誤今有本云字聲之誤兼有
字者讀得云思當爲司字字絕讀之乃合義也 凡

萬民之期于市者辟布者量度者刑戮者各於其地

之敘

註

期謂欲賣買期決于市也量度者若今處斗

斛及丈尺也故書辟為辭鄭司農云辭布辭訟泉物

者也玄謂辟布市之羣吏考實諸泉入及有遺忘

疏

一萬至之敘。釋曰云凡萬民之期于市有此已下
 三事有辟布者量度者刑戮者各於其地之敘則諸
 物行肆之所也。○**註**期謂至遺忘。○釋曰云期決於
 市也者謂人各自為期限使了市事於市也云若今
 處斗斛及丈尺者謂斗斛處置於米粟之肆處置丈
 尺於絹布之肆案前註量豆區斗斛此中不云豆區
 前註廣解量名此略云市所用故註不同案律歷志
 度量衡皆起於黃鐘之律故彼云以子穀秬黍中者
 一黍一分九十黍黃鍾之長則一黍為一分十黍為
 寸十寸為尺十尺為丈十丈為引五度審矣又云子
 穀秬黍中者十二百黍其實一籥合籥為合十合為
 斗十斗為斛十斗為斛五量審矣先鄭從故書辟布

爲辭訟之布後鄭不從而爲羣吏考實諸泉入者若
辭訟之布當歸其本主何得各有地之敘乎明不得
爲辭訟之布也云考實諸泉入者辟法也謂民將物
來於肆賣者肆長各考量物數得實稅入於市之泉
府知民將物來於市有稅者案下文云國凶荒市無
征明不凶荒有征矣其實者則宜置於地之敘欺者
沒入官是其法也云及有遺忘者謂羣吏考實泉之
處有遺忘者便歸令本主識認之下文得貨賄六畜
之等是依列肆失者與此文別也

凡得貨賄六畜者亦如之三日而

舉之

註

得遺物者亦使置其地貨於貨之肆馬於馬

之肆則主求之易也三日而無識認者舉之沒入官

疏

凡得至舉之。釋曰此謂在列肆遺忘
闕失者使各歸本肆使主識認取之

凡治市之

貨賄六畜珍異亡者使有利者使阜害者使亡靡者

使微 利利於民謂物實厚者害害於民謂物行苦

者使有使阜起其賈以徵之也使亡使微抑其賈以

郤之也侈靡細好使富民好奢微之而已鄭司農云

亡者使有無此物則開利其道使之有○物行遐孟反又如字聶

胡剛反苦音古郤起略反好呼報反者總釋經亡者利者云起其賈

者謂增起其賈引物自然來故使有使阜盛也云微

之而已謂少抑其賈使微少不絕而已先鄭云亡者

使有無此物則開利其道使之有與後鄭起其凡通

賈義異引之者義得兩通故後鄭亦從之也

貨賄以璽節出入之 璽節印章如今斗檢封矣使

人執之以通商以出貨賄者王之司市也以內貨賄

者邦國之司市也

布

凡通至入之。釋曰金玉曰貨

直云通貨賄者以物之貴及民之所用多者莫過貨賄故舉以言之無妨餘物亦通之。○**璽**璽節至市也

○釋曰云璽節印章如今斗檢封矣者案漢法斗檢封其形方上有封檢其內有書則周時印章上書其

物識事而已云使人執之以通商者以其商旅主通貨賄故知執璽節者是通商也云出貨賄者王之司

市也者以其商旅買貨賄於市以出向邦國故知是王之司市給璽節也云內貨賄者邦國之司市也者

以其貨賄從邦國來當入王畿故知還是邦國之司市給璽節也此經直云入之鄭雖云內貨賄者邦國

之司市亦容有從畿內入市者故下掌節云貨賄用璽節鄭云變司市言貨賄者貨賄非必由市或資於

民家若然商資於民家得出向邦國若資於民家亦容入來向王市賣之則璽節受之於門關矣 **國**

凶荒札喪則市無征而作布

詔

有災害物貴市不稅

為民乏困也金銅無凶年因物貴大鑄泉以饒民



國凶至作布。釋曰凶荒謂年穀不熟札謂疫病喪

謂死喪恤其乏困故市無征也。金銅無凶年。

釋曰以其凶年穀則貴金銅凶年亦賤故云無凶年

是以諺云豐年粟儉年玉因云物貴者其物止謂米

穀餘物 凡市偽飾之禁在民者十有二在商者十有

並賤也

二在買者十有二在王者十有二



鄭司農云所以

俱十有二者工不得作賈不得粥商不得資民不得

畜玄謂王制曰用器不中度不粥於市兵車不中度

不粥於市布帛精麤不中數幅廣狹不中量不強於

市姦色亂正色不粥於市五穀不時果實未熟不粥

於市木不中伐不粥於市禽獸魚鱉不中殺不粥於

市亦其類也於四十八則未聞數十二焉

○賈音古
註同粥音

育下同中丁仲反下

市

凡市至有二○釋曰云凡偽

同狹音洽數色主反

目故云凡以廣之○**市**鄭司至二焉○釋曰先鄭云

所以俱十有二者工不得作以下云云謂民與商賈

及工四者皆同十二云工不得作者工匠主營作故

云不得作云賈不得粥者以其處曰賈賈主賣粥故

資貯故云不得資云民不得蓄者萬民非作非粥非

資故以畜聚而言也玄謂王制曰用器不中度不粥

於市者案彼鄭註云用器弓矢耒耜耒耜長六尺弓

長六尺六寸之等矢長三尺之類皆有長短度數也

云兵車不中度不粥於市者案考工記輪人為兵車

乘車之輪崇六尺六寸或出革車一乘出於民間故

民亦有粥兵車之法云布帛精麤不中數廣狹不中

量不粥於市布之精麗謂若朝服十五升斬衰三升齊衰有三等或四升或五升或六升大功已下有七升八升九升小功有十升十一升十二升總麻有十五升抽去半其帛之升數禮無明文云廣狹不中量者布幅則廣二尺二寸其繒幅則依朝貢禮廣二尺四寸云姦色亂正色不粥於市者論語孔子惡紫之奪朱則朱是南方正色紫是北方姦色紫奪朱色是姦色亂正色故孔子惡之若然自餘四方皆有姦色正色若紅綠及碧等皆有亂正色之義也云五穀不時果實未熟不粥於市鄭彼註云皆謂不利人云木不中伐不粥於市者鄭彼註引山虞職云仲冬斬陽木仲夏斬陰木以爲證是非此時則木不中伐云禽獸魚鼈不中殺不粥於市者案鼈人職云秋獻鼈蜃冬獻龜魚案禮記王制云獺祭魚鼈之時得粥於市非此豺祭獸然後殺是殺禽獸魚鼈之時得粥於市非此時則不可也云亦其類也者王制所云不中度之類是在上者不中數不中量姦色亂正色是在商者不特及未熟是在農者此等亦兼有在賈者故云亦其

類也云於四十八則未聞數十二者王制之文從用
器爲一兵車爲二布三帛四姦色五五穀六果實七
木八禽九獸十魚十一鼈十二是聞之十二矣
於四十八則未聞三十六故云未聞數十二也

小刑憲罰中刑徇罰大刑扑罰其附于刑者歸于士

徇舉以下其地之衆也扑撻也鄭司農云憲罰播

其肆也故書附爲柎杜子春云當爲附

市刑至于士○釋曰附于刑者歸于士者此刑各

有所對言之市刑雖輕亦各爲刑若對五刑則五

種者爲刑故云附於刑歸於士士謂秋官士師鄉士

遂士之屬其人屬彼者各歸之使刑官斷之也○

徇舉至爲附○釋曰徇舉以示其地之衆也者徇者
徇列之名故知舉其人以示其地肆之衆使衆爲戒
也云扑撻也者大射云司射撻扑尙書云扑作效刑
皆是答撻爲扑故云扑撻也先鄭云憲罰播其肆也

者憲是表顯之名徇既將身以示之則此
憲是以文書表示於肆若布憲之類也

國君過市

則刑人赦夫人過市罰一幕世子過市罰一帑命夫

過市罰一蓋命婦過市罰一帷

註

謂諸侯及夫人世

子過其國之市大夫內子過其都之市也市者人之

所交利而行刑之處君子無故不遊觀焉若遊觀則

施惠以爲說也國君則赦其刑人夫人世子命夫命

婦則使之出罰異尊卑也所罰謂憲徇扑也必罰幕

帑蓋惟市者衆也此四物者在衆之用也此王國之

市而說國君以下過市者諸侯之於其國與王同以

其足以互明之

○幕劉奇莫帝音亦觀古亂反下同或音官為說如字解說也聶如鏡反

釋

謂諸至明之

釋曰云大夫內子者大夫中含

婦

註云內子也若然此經大夫命婦也故經云命

婦亦是互見為義也云所罰謂憲徇扑也者其憲徇

刑之輕者而赦之使出惟幕難備之物者出物雖重

而無恥憲徇雖輕而有愧故以出物為輕也案幕人

云掌供帷幕幄帟綬帷幕用布幄帟用繪在上曰幕

在旁曰帷帟承塵其蓋當是於眾中障暑雨之蓋未

必是輪人所作蓋弓二十有八在車者也云諸笑之

於國與王同以其足以互明之者此王國之市若直

見王后世子過市則不見諸侯已下今以王國之市

而見諸侯已下過市是得互見

王已下過市故云互明之也

凡會同師役市司帥

賈師而從治其市政掌其賣債之事

市司司市也

市司司市也

償買也會同師役必有市者大眾所在來物以備之

凡會至之事。釋曰：上與諸侯行會同及師役征

伐之等或在畿內或在畿外皆有市則市司師賈
師而從以其知物賈故使從不帥胥師
者胥師不知物賈於事緩故不從也

周禮注疏卷之十四



周禮註疏卷第十五

漢鄭氏註

唐賈公彥疏

質人掌成市之貨賄人民牛馬兵器珍異

訓

成平也會

者平物賈而來主成其平也人民奴婢也珍異四時

食物

訓

質人至珍異。釋曰此質人若今市平準故掌成平市之貨賄已下之事。成平至食

物。釋曰云會者平物價而來主成其平也者會謂

市人會聚買賣止為平物而成質人主為平定之則

有常估不得妄為貴賤也此知人民奴婢也者以其

在市平定其賈故知非良人是奴婢也云珍異四時

食物者見下廛人云凡珍異之有滯者斂而入

于膳府即果實及諸食物依四時成熟者也凡賣

償者質劑焉大市以質小市以劑鄭司農云質劑

月平賈九質大賈劑小賈玄謂質劑者為之券藏之

也大市人民馬牛之屬用長券小市兵器珍異之物

用短券

○長如字
鄭司至短券○釋曰先鄭以質劑

註小宰聽賣買以質劑亦如此解後鄭以為券書者

上文成市之貨賄之等已基市平文書則此經云大

市以質小市以劑及小宰云聽賣買以質劑文勢不

得為月平故以券書可知也玄謂大市人民馬牛已

下鄭以意分之為大小就大者而言若人民則

未成亂已下牛馬未著齒已前亦得為小者也掌稽

市之書契同其度量壹其淳制巡而攷之犯禁者舉

而罰之

稽猶考也治也書契取予市物之券也其

券之象書兩札刻其側杜子春云淳當為純純謂幅

廣制謂匹長也皆當申度量玄謂淳讀如淳尸盥之

淳 ○其淳音准廣光曠反長直亮反 淳 ○釋曰云

稽猶考也治也者并取治質劑并解之故乘云治也

書契取予市物之券者并案小宰職云聽取予以書

契經既云書契故知與彼同非上質劑之市買者也

云其券之象書兩札刻其側審小宰註云兩書一札

同而別之云刻其側若令畫指也杜子春云淳當為

純純謂幅廣制謂匹長也者即丈八尺後鄭從之後

鄭不從杜子春純者純止可為絲為緇不得為幅廣

狹故讀從士虞禮淳尸盥之淳故內宰註依巡守禮

淳四咫鄭答志咫八寸四當 凡治質劑者國中一旬

為三三咫謂二尺四寸也 郊二旬野三旬都三月邦國朞期內聽期外不聽

謂齋券契者來訟也以期內來則治之後期則不治

所以絕民之好訟且息文書也郊遠郊也野甸稍也

都小都大都

○春如字本或作基同好呼報反

疏

謂齋至六都○釋曰云謂齋券契

者來訟也者云此經總上質劑與書契來訴者知郊是遠郊者以其內有國中野野遠郊之外明知郊是遠郊也知野是甸稍者郊外曰野是夫總之言下有都都是四百五百里明此是二百里甸三百里稍可知又知都中含大都小都者此質人總聽畿外明此都兼大小都可知

廛人掌斂市紵布總布質布罰布廛布而入于泉府

疏

布泉也鄭司農云紵布列肆之稅布杜子春云總當

為儵謂無肆立持者之稅也玄謂總讀如租穗之穗

聽布謂守斗斛銓衡者之稅也質布者質人之所罰
犯質劑者之泉也罰布者犯市令者之泉也廛布者

貨賄諸物邸舍之稅

音儻鄭音摠儻音讒摠音摠



布泉至之稅。釋曰：知布泉一物者，此布皆入泉府，故知泉布一也。是以外府云：掌布註云：取其

水泉流通無不徧也。先鄭云：紵布列肆之稅，布者謂

在行肆坐賣物之常稅也。杜子春云：總當為儻，謂無

肆立持者之稅也。後鄭不從，為守斗斛銓衡者之

稅也。此經廛人掌依行肆者，故不得為無肆立持

故破從租摠之摠。摠布是守斗斛銓衡之稅，下肆長

云：斂其摠布，是無肆立持。故註從子春：總當為儻也。

云：質布者，質人所罰。犯質劑者之泉也。者謂犯質劑

違券書罰泉也。云：罰布者，犯市令者之泉也。者謂司

市有教令，其人犯之，使出泉云：廛布者，貨賄諸物邸

舍之稅者，謂在行肆官有邸舍，人有置物于中使之

出稅故云
塵布也

凡屠者斂其皮角筋骨入于玉府

國以當

稅給作器物也其無皮角及筋骨不中用亦稅之

疏

凡屠至玉府○釋曰云屠者謂屠殺豕羊之類其人

亦有地稅因其屠即取皮角筋骨堪飾器物者使入

玉府也○**國**以當至稅之○釋曰知以當稅者謂若

山虞澤虞之等所出稅皆云以當邦賦邦賦即地稅

之類是也云無皮角及筋骨不中用亦稅之謂若羊

牛有皮角及筋骨其豕則無之類是不中用亦使出

物之稅以當**凡珍異之有滯者斂而入于膳府**

邦賦之處**國**故

書滯或作塵鄭司農云謂滯貨不售者官為居之貨

物沉滯於塵中不決民待其直以給喪疾而不可售

賈賤者也塵謂市中之地未有肆而可居以畜藏貨

物者也孟子曰市廛而不征法而不廛則天下之商
皆說而願藏於其市矣謂貨物皆藏於市中而不租
稅也故曰廛而不征其有貨物久滯於廛而不售者
官以法爲居取之故曰法而不廛玄謂滯讀如沉滯
之滯珍異四時食物也不售而在廛久則將瘦臞腐
敗爲買之入膳夫之府所以紓民事而官不失實官。

爲于偽反下同畜勑六反說音悅諸知呂反本或作
貯又作褚皆同藏如字劉本作葬音同瘦本又作臍
所又反臠其俱反又作臠凡珍至膳府○釋曰云
音稍紓音舒劉常汝反凡珍異之有滯者謂四
時珍美異味買者遂少沈滯不售者也云斂而入于
膳府者謂官以泉府之財買取之入於膳夫之府以

供官食。○故書至失實。○釋曰先鄭云謂滯貨不
 售者官為居之經直為珍異非貨物先鄭以貨物解
 之故後鄭不從也先鄭又云塵謂市中之地未有肆
 而可居以畜藏貨物者但塵雖非肆是官之邸舍不
 得為空地故後鄭不從引孟子市塵而不市者周則
 塵有征上文塵布是也云不征者非周法又云法而
 不塵則與此經同故先鄭引之後鄭增成其義也云
 久則將瘦臞腐敗者考王記梓人云大冑臞後臞是
 細小之義故云瘦臞
 腐敗是以為買之

胥師各掌其次之政令而平其貨賄憲刑禁焉。○憲表

縣之。○縣音玄。胥師至禁焉。○釋曰案序官云胥師二
 十肆則一人故云各掌其次之政令云

憲刑禁焉者刑謂市中之刑憲狗扑禁謂市中之禁
 謂市司當時設禁令非士師五禁也鄭云憲謂長縣

之則經憲非為憲狗扑之憲。察其詐偽飾行儷慝者而誅罰之。

鄭司農云債賣也。慝惡也。謂行且賣姦偽惡物者。玄

謂飾行債慝謂使人行賣惡物於市巧飾之令欺誑

買者。○行下孟反。慝他得反。巧若教。反。又如字。令力呈反。下文同。○釋曰。鄭

云債賣也者。此經云飾行債慝。明債為賣不得為買。上文每云賣債。債不得為賣。故為買。是鄭望文為義。

故不定也。先鄭云。謂行且賣姦偽惡物。以且間之。則行是行步之行。不為行濫之行。故後鄭不從。以為行

濫解。聽其小治小訟而斷之。○治直吏反。下之。○聽

至斷之。○釋曰。上司市已云胥師。賈師泣於介次。而聽小治小訟。上總言之。此止當職故申敘之也。

賈師各掌其次之貨賄之治。辨其物而均平之。展其成

而奠其賈。然後令市。○辨別也。○賈音古。下註賈師。同奠音定。別彼列反。

而奠其賈然後令市。○辨別也。○賈音古。下註賈師。同奠音定。別彼列反。

釋 賈師至今市。○釋曰：案序官云：賈師二十肆，則一人與胥師數同。故云：各掌其次之貨賄之治也。云

辨其物而均平之者，此與胥師所掌同。云：展其成而奠其賈者，則與胥師異，以其知物價故也。**凡天**

患禁貴債者使有恒賈。恒常也。謂若諸米穀棺木

而賸久雨疫病者，貴賣之。因天災害阨民使之重困

○重直。恒常至重困。○釋曰：鄭云：謂若諸米穀

用反。棺木者以其天患無過凶荒札喪故。鄭知富人豫諸米穀以擬凶荒，豫諸棺

木以擬死而賸久雨疫病賣之也。**四時之珍異亦如**

之。薦宗廟之物。四時至如之。○釋曰：此珍異亦

之。○薦宗廟之物。○釋曰：案月令：四時有珍異之物，皆云先薦寢廟。故鄭以為薦宗廟舉重而言也。

凡國之賣債各帥其屬而嗣掌其月。債買也。故書

賣為買鄭司農云謂官有所斥令賣賈師帥其屬而

更相代直月為官賣之均勞逸

○更音庚為官于偽反

國 賈

勞逸○釋曰先鄭云謂官有所斥賣者斥謂指斥出之故鄭註大宰亦云幣餘謂占賣國之斥幣義與此同也云賈師帥其屬而更相代者賈師之下有羣賈亦二肆則一人者使之更互相代也 凡師役

會同亦如之

師 凡師至如之○釋曰此亦從行所在當直為官賣買也

司覿掌憲市之禁令禁其鬪蹀者與其覿亂者出入相

陵犯者以屬遊飲食于市者

蹀 蹀謹也鄭司農云以

屬遊飲食羣飲食者

○蹀五羔反又許驕反謹音歡

蹀 蹀謹至食者○釋曰此

屬遊飲食謂聚而羣遊飲食者禁之若不羣遊則得飲

若不可禁則搏而戮之

○博音
博下同

司稽掌巡市而察其犯禁者與其不物者而搏之

物衣服視占不與眾同及所操物不如品式
○操七
曹反

司 不物至品式
○釋曰案大司徒民當同衣服今
有人衣服不與眾人同又視占亦不與眾人同及

所操物不如品式此皆
違禁之物故搏之也
掌執市之盜賊以狗且刑之

○狗辭
掌執至刑之
○釋曰上司市市中之刑無
俊反

盜賊以狗且刑之亦無過小盜狗扑而已故云以狗
且刑之若直狗者不必有刑其刑者必狗故狗刑兩

言之也

胥各掌其所治之政執鞭度而巡其前掌其坐出入

之禁令襲其不正者作起也坐起禁令當市而不

得空守之屬故書襲為習杜子春云當為襲謂掩捕

其不正者胥各至正者釋曰案序官胥二肆則一人故亦云各掌其所治之政則一人

掌二肆者也云執鞭度而巡其前者此鞭度亦如上

文守門者謂以皮為鞭而量物也作起至正者

釋曰杜子春從襲不從古書習者習是習學之習

襲是掩襲之義故從襲是以左氏公羊皆有不聲鐘

鼓為襲是掩凡有罪者撻戮而罰之罰之使出布

其不備也凡有罪者撻戮而罰之罰之使出布

釋曰此罰布即上塵人職云

肆長各掌其肆之政令陳其貨賄名相近者相遠也實

相近者相爾也而平正之爾亦近也俱是物也使

爾亦近也俱是物也使

惡者遠善善自相近鄭司農云謂若珠玉之屬俱名

為珠俱名為玉而賈或百萬或數萬恐農夫愚民見

欺故別異今相遠使賈人不得雜亂以欺人

○近附近之近

遠于萬反註同數色主

肆長至正之○釋曰此肆

反令方呈反賈音古

肆長謂一肆立一長使之檢

校一肆之事若今行頭者也○爾亦至欺人○釋

曰云俱是物也者即司農云俱名為珠俱名為玉之

類是也云使惡者遠善者釋經各相近者相遠也云

善自相近者釋經實相近者相爾也先鄭云謂若珠

王之屬已下直釋經名相近者相遠不釋實相近者

其義可知故也先鄭雖舉珠玉貴者而餘物亦爾

斂其總布掌其戒禁

杜子春云總當為儻

為儻○釋曰此肆長各主一肆故罰其

無肆立持之布故後鄭引而從之也

泉府掌以市之征布斂市之不售貨之滯於民用者以
其賈買之物榻而書之以待不時而買者買者各從
其抵都鄙從其主國人郊人從其有司然後予之

故書滯爲痺杜子春云痺當爲滯鄭司農云物榻而

書之物物爲榻書書其賈榻著其物也不時買者謂

急求者也抵故賈也主者別治大夫也然後予之爲

封符信然後予之玄謂抵實抵字抵本也本謂所屬

吏主有司是也

○榻音竭抵音帝又都禮反痺音且
又丁左反榻音賤又倉廉反著直略

反治直

泉府至予之○釋曰云掌以市之征布者
即上塵人歛布已下之布竝入泉府而藏

吏反

之故總云征布也云各從其抵者抵謂本主所屬之
 吏乃付之即都鄙從其主國人郊人是也云都鄙者
 可兼大小都及家邑云國人者謂住在國城之內即
 六鄉之民也云郊人者即遠郊之外六遂之民也○
 故書至是也○釋曰先鄭云抵故賈也後鄭不從
 者假令官前買時賈後或賤今依故賈與之即損民
 故不得依故賈以解抵也先鄭云主者別治大夫也
 者義或然以其公卿大夫常在王朝其都鄙則遣人
 治之若季氏費宰公山弗擾之輩天子都鄙蓋亦然
 先鄭云為封符信然後予之者封符信謂有符信文
 書皆封題之計買者得主及有司然後賣不須封信
 文書但於埋無害故後鄭不破之也後鄭破抵從抵
 者經是抵欺之抵故破從本傍抵抵得為本義也云
 本為所屬吏主有司是者鄭欲解抵與主有司為一
 云主有司是也**凡賒者祭祀無過旬日喪紀無過三月**
 鄭

司農云賒貫也以祭祀喪紀故從官貫買物

疏

司至鄭

買物○釋曰先鄭之意以祭祀喪
系二者事大故賒與民不取利

凡民之貸者與其

有司辨而授之以國服爲之息



有司其所屬吏也

與之別其貸民之物定其賈以與之鄭司農云貸者

謂從官借本賈也故有息使民弗利以其所賈之國

所出爲息也假令其國出絲絮則以絲絮償其國出

絺葛則以絺葛償玄謂以國服爲之息以其於國服

事之稅爲息也於國事受園廛之田而貸萬泉者則

莽出息五百王莽時民貸以治產業者但計贏所得

受息無過歲什一

○之貸音特註不出者同別彼列
反貸民音吐代反本賈音嫁一音

古所賈音古令力
呈反償時亮反

疏

凡民至之息。釋曰：貸者即今之舉物生利與上文不同云與

其有司辨而授之者謂別其所授之物以與之云以國服為之息者所出之利各以國服而為息也。

有司至什一。釋曰：云有司其所屬吏也者此則上文有司一也。若然此經不言都鄙主者有司中兼之

故上註亦云本所屬吏是抵本中兼二者云與之別其貸民之物者但泉府中所藏之物種類不同欲授

民之時先當分別又當定其賈數以與之先鄭以所賈之國所出為息已下後鄭不從者凡言服者服事

為各此經以民之服事唯出稅是也則載師云二十而一已下是也是以鄭引載師受園廩之田而貸萬

泉者則菴出息五百萬泉出息五百計當二十而取一若然近郊十一者萬泉菴出息一千遠郊二十而

三者萬泉菴出息一千五百甸稍縣都之民萬泉菴出息二千鄭直云園廩者略舉以言之也云王菴時

民貸以治產業者但計贏所得受息無過歲什一者此則與周少異周時不計其贏所得多少據本徵利

王莽時雖計本多少為定及其徵利唯據所贏多少假令萬泉歲還贏萬泉徵一千贏五千徵五百餘皆據利徵

凡國事之財用取其焉歲終則會其出入而

納其餘會計也納入也入餘於職幣

○會古外反後放此

會

凡國至其餘○釋曰云凡國事之財用取其焉者言事謂有司為國家之事與作用財物者皆來向泉府取財為具焉泉府財盡乃於餘府別取焉云歲終則會其出入出謂出府會計用財入謂於廛人斂取款布已下云納其餘者若國家來取財不盡而有餘則納與天官職幣職幣別出與人故云納其餘也

司門掌授管鍵以啓閉國門

鄭司農云鍵讀為蹇管

謂籥也鍵謂牡

○鍵其展反又其偃反司農音蹇居免反籥羊略反

司門

至國門○

釋曰云掌授管鍵以啓閉國門者謂用管籥以啓門用鍵牡以閉門故雙言以啓閉國門則王城十二門

者也。○鄭司至謂牡。○釋曰先鄭讀鍵為蹇者欲取其蹇澀之意云管謂籥也者即月令註管籥博鑊器是也云鍵謂牡者以入為牡容者為牝者若爾雅走曰牝牡也

其貨賄凡財物犯禁者舉之

不物衣服視占不與

衆同及所操物不如品式者正讀為征征稅也犯禁

謂商所不資者舉之沒入官

○正其音征 **官** 不物至入

知不物是衣服之等者見王制云鬪執禁以幾禁異服識異言鬪人云潛服賊器不入官奇服怪民不入官明此司門亦然故鄭以不物衣服之等解之但鄭釋不物之中有三事一者衣服二者占視皆不與衆同三者手所操持不如尋常品式以其特異於人此三者皆須訶問所以也云正讀為征征稅也者下文云國凶札無關門之征明無凶札之時有征稅故讀從征稅之字也云犯禁者謂商所不資者商所資者

謂若國語云冬資絺夏資綿之類是商所豫資待時而賣者乃不為犯其商所不資謂非民常用之物則舉之沒入官也 **以其財養死政之老與其孤** **財所謂門關**

之委積也死政之老死國事者之父母也孤其子

財財所至其子。釋曰云財所謂門關之委積也者即上遺人云門關之委積以養老孤云死政之老死

國事者之父母也孤其子者即外

養云邦養耆老孤子義與此同 **祭祀之牛牲繫焉**

監門養之 **監門門徒** **繫** **監** **古** **銜** **反** **註** **同** **門** **徒** **○**

釋曰牧人六牲至祭前三月則使充人繫而養之若天地宗廟則繫於牢芻之二月若其散祭祀之牲則不在牢遣此監門門徒養之不必三月也

凡歲時之門受其餘 **○** **釋** **曰** **凡** **歲** **時** **之** **門**

者歲至其餘。釋曰凡歲時之門者歲之四時祭門非一故云凡以

云受祭門之餘 **○** **凡** **歲** **至** **其** **餘** **○** **釋** **曰** **凡** **歲** **時** **之** **門**

者歲之四時祭門非一故云凡以

總之若月令秋祭門者是祭廟門此門亦謂國門十
二者除四時祭外仍有為水祈禱故左傳莊公二十

五年秋大水有**凡**四方之賓客造焉則以告**造**猶
用牲于門之事

至也告告於王而止客以俟逆
造七到**造**凡四至
反註同以告○

釋曰謂四方諸侯來朝觀至關關人告王至郊郊人
告王至國門門人告王王得告皆遣人往迎故先鄭

云止客以
俟逆也

司關掌國貨之節以聯門市**貨**節謂商本所發司市

之璽節也自外來者則案其節而書其貨之多少通

之國門國門通之司市自內出者司市為之璽節通

之國門國門通之關門參相聯以檢猾商
音滑**貨**

節至猾商。釋曰：案下文掌節云：貨賄用璽節則璽節主通貨賄。若然，璽節亦可先從王司市而出。鄭今解經璽節先從邦國向內而言者，以其司關在境而先云掌國貨之節後云以聯門市是從外向內之言。故鄭亦順經先從邦國司市解之也。云案其節而書其貨之多少通之國門，國門通之司市者，將送商人而執節者，別有過所文書。若下文節傳當載人年幾及物多少至關至門，皆別寫一通入關家門家，乃案勘而過其自內出者，義亦然。云參相連以檢猾商者，司市與關及門三處相連，恐姦猾商人或以多為少，或隱而不出而避稅，故相連以檢括之也。其遠郊近郊雖不置官掌之，亦應有人幾問，但無稅法，故不言耳。

司貨賄之出入者掌其治禁與其征塵
耳

貨賄之稅與所止邸舍也。關下亦有邸客舍，共出布

如市之塵。

○治直吏反。

司

貨賄出入謂上經以聯門市者

是也云與其征塵者征謂稅塵謂邸舍二事雙言也
 ○**釋**征塵至之塵。釋曰云關下亦有邸舍其出
 布如市之塵者案上文塵人有塵布鄭云塵邸舍此
 關亦有邸舍商人於關停止則有稅故云如市之塵
 也
凡貨不出於關者舉其貨罰其人
 不出於關謂

從私道出辟稅者則沒其財而撻其人

○辟音避一音芳益反

凡不出至其人。釋曰註云沒其財者解經舉其
 貨撻其人者解經罰其人案上憲罰之等皆是撻

但舉其貨已是罰物故知**凡所達貨賄者則以節傳**
 罰其人是撻之可知也

出之商或取貨於民間無壘節者至關關為之壘

節及傳出之其有壘節亦為之傳傳如今移過所文

書。傳張戀反

註下皆同

凡所至出之。釋曰此文重釋上
 國貨之節上直云壘節此經兼有

傳傳則過所文書○**註**商或至文書○釋曰鄭云商或取貨於民間無璽節者至關關為之璽節者若本由王市而出則司市為之璽節商或於民間者或在郊內關內民間買得物貨不得向司市取璽節故因向關外則便於關取節而出若在城內民間資貨者司關為璽節以出之授節節者即授傳與之

凶札則無關門之征猶幾**註**鄭司農云凶謂凶年饑

荒也札謂疾疫死亡也越人謂死為札春秋傳曰札

嗟天昏無關門之征者出入關門無租稅猶幾謂無

租稅猶苛察不得令姦人出入孟子曰關幾而不征

則天下之行旅皆說而願出於其塗○札側入反又

病也苛呼多反又音**說**國凶至猶幾○釋曰此司關何令力呈反說音悅所掌兼言門者門關同類無

征是司門既不言故於關并言門也。○**國**鄭司至
 其塗。○釋曰上註札為疫病此司農以札為死則札
 因病而死義得兩兼是以引越人謂死為札也。云春
 秋傳者昭十九年左氏云鄭駟偃卒其父兄立子瑕
 子產曰寡君之二三臣札瘥天昏註云大死曰札小
 疫曰瘥短折曰天未名曰昏又洪範云六極一曰凶
 短折註云未齒曰凶未冠曰短未昏曰折竝無正文
 望經為說耳引春秋者證札為大疫也引孟子者案
 孟子云尊賢使能俊傑在位則天下之士皆說而願
 立於朝矣市廛而不征法而不廛則天下之商皆說
 而願藏於市矣關幾而不征則天下之行旅皆說而
 願出於其塗矣耕者助而不稅則天下之民皆說而
 願耕於其野矣廛無夫里之布則天下之民皆說而
 願為之民矣信能行此五者則鄰國之民仰之如父
 母矣率其子弟以攻其父母自有生民已來未有能
 濟者也如是則無敵於天下無敵於天下然而不王
 者未之有也此陳正法與周異引之者彼正法不征
 商旅則有說此經有故不征亦所以說民故取一邊

也為證 凡四方之賓客敵關則為之告 **國** 謂朝聘者也

敵關猶謁關人也 鄭司農說以國語曰周之秩官有

之曰敵國賓至關尹以告行理以節逆之 〇敵音叩 苦狗反為

于偽反朝 凡四至之告 〇釋曰敵猶至也 〇畿外

直遙反 **國** 諸侯來朝使卿大夫來大聘小聘但至

關門皆先謁關人關人止客則奔告王王使小行人

逆勞於畿也 〇 **國** 謂朝至逆之 〇釋曰案小行人云

凡諸侯入王則逆勞於畿聘禮使者至謁關人此經

亦總云賓客敵關則為之告是以鄭云謂朝聘者也

云叩關猶謁關人者猶聘禮關人也先鄭說以國語

曰周之秩官有之者案國語定王使單襄公聘於宋

遂假道於陳以聘楚侯不出疆司空不視塗單于歸

告於王曰陳侯不有大咎國必亡矣又云周之秩官

有之曰敵國賓至關關尹以告行理以節逆之韋昭

註云理吏也行理小行人掌國賓客禮以待四方使

逆賓客候人爲導卿出郊勞司里授館引之者國語云關尹以告則此經司關爲之告一也云行理以節逆之者證關尹告王王使小行人以節逆之也

內之

送

有送令謂奉貢獻及文書以常事往來環人之職所送迎通賓客來至關則爲之節與傳以通之

釋曰此雙言之云有外之送令者

節

則以節傳內之謂從諸侯之國畿外而入者則關人以節及傳內之至王又云有內之送令則以節傳出之者謂主王命從王國而出則亦以節傳出之送至畿上也

釋曰案秋官環人職云掌送逆邦國之通賓客以路節達諸四方註云路節旌節也四方圻上與此義同故引以言之

釋曰案秋官環人職云掌送逆邦國之通賓客以路節達諸四方註云路節旌節也四方圻上與此義同故引以言之

掌節掌守邦節而辨其用以輔王命

節

邦節考珍圭牙

璋穀圭琬圭琰圭也王有命則別其節之用以授使

者輔王命者執以行為信

○別彼列反下和別同使所吏反下之使註使節使

者

節

掌節至王命○釋曰此一經論王國之節對下同文邦國是諸侯故此王國文單言邦也○**節**邦

節至為信○釋曰云邦節者珍圭之等皆約典瑞言

之案典瑞云珍圭以徵守以恤凶荒牙璋以起軍旅

以治兵守穀圭以和難以聘女琬圭以治德以結好

琰圭以易行以除慝是其邦節也不數自外璧羨以

起度之等以其彼是王國所用非使者之節故不言

之云王有命則別其節之用以授使者此釋經而辨

其用故典瑞註亦皆

云王使之瑞節也 **守邦國者用玉節守都鄙者用**

角節

節

謂諸侯於其國中公卿大夫王子弟於其采

邑有命者亦自有節以輔之玉節之制如王為之以

命數為小大角用犀角其制未聞

禮記

圖

謂諸至未聞
○釋曰云謂諸

侯於其國中者釋經守邦國者用玉節云公卿大夫
王子弟於其采邑者釋經守都鄙者用角節畿內公
卿大夫亦是畿內之國但對畿外諸侯為尊故公卿
已下言都鄙也云有命者亦自有節以輔之者亦如
上文王有命有節以輔之者玉節之制如王為之以
命數為小大者以邦國與王同稱玉節故知邦國亦
有數等之節亦皆以玉為之以其諸侯國內亦有徵
守好難起軍旅之等故知與王同知以命數為小大
者以其命圭之等依命數故知亦以九以七以五為
節也其天子玉節自以大小為數故琬圭瑋圭俱同
九寸穀圭牙璋俱七寸唯有珍圭無文鄭云大小當
與琬琰相依云角用犀角者案釋獸云犀似豕註云
角在鼻上犀角是角中之貴故知不得用玉者當用
犀角云其制未聞者以其邦國之玉節可以約王之
玉節都鄙之角節無可依約既無舊制故云其制未
聞此云都鄙用角節註謂公卿大夫王子弟於其采

邑是都鄙之主案小行人都鄙用管節註謂公之子
弟及卿大夫之采地之吏也故用管節與此不同彼
諸侯采地亦同用管節亦異外內也若天子
公卿大夫采邑之吏下註約入道路用旌節 **凡邦國**

之使節山國用虎節土國用人節澤國用龍節皆金

也以英蕩輔之



使節使卿大夫聘於天子諸侯行

道所執之信也土平地也山多虎平地多人澤多龍

以金為節鑄象馬必自以其國所多者於以相別為

信明也今漢有銅虎符杜子春云蕩當為帑謂以函

器盛此節或曰英蕩畫函

○蕩如字又吐黨反帑吐黨反盛音成



節至畫函○釋曰云使節使卿大夫聘於天子諸侯
行道所執之信也者大聘使卿小聘使大夫或於天

子或於諸侯故竝言之也云土平地也者對山澤非平地也云山多虎者若晉國之類也云平地多人者若衛國之類也云澤多龍者若鄭國之類也云以金為節鑄象焉者釋經皆金也云必自以其國所多者於以相別為信明也者山澤與平地人虎龍皆雜有今言山國用虎澤國用龍土國用人皆據多者相別為信以自明也引漢有銅虎符者證周時節用銅之意也杜子春云蕩當為帑者音以湯蕩反之今人猶言帑也帑則函故云謂以函器盛此節也云或曰英蕩畫函者其函猶是蕩但以英華有畫義故更云畫函也經云輔之者以函輔此節使不壞損也案昭二十九年公在郵賜公衍羔裘使獻龍輔於齊侯註龍輔玉名所以輔龍節與此別也

門關用符節貨賄用璽節道路用旌

節皆有期以反節

門關司門司關也貨賄者主通

貨賄之官謂司市也道路者主治五涂之官謂鄉遂

大夫也凡民遠出至於邦國邦國之民若來入由門者司門爲之節由關者司關爲之節其商則司市爲之節其以徵令及家徙則鄉遂大夫爲之節唯時事而行不出關不用節也變司市言貨賄者壘節主以通貨賄貨賄非由市或資於民家焉變鄉遂言道路者容公邑及小都大都之吏皆主治五涂亦有民也符節者如今宮中諸官詔符也壘節者今之印章也旌節今使者所擁節是也將送者執此節以送行者皆以道里日時課如今郵行有程矣以防容姦擅

有所通也凡節有法式藏於掌節

○ 彘音尤字從垂作御誤

正 **節**

關至掌節。釋曰：鄭知門關是司門，司關者以其人之出入必由門，由關而授節者非門關之官，不可輒授。故知主守門及關者，故以司門司關解之也。云貨賄者，主通貨賄之官，謂主市也。者以其貨賄所得皆由於市，乃得通之於外，亦非官不可輒授。故知貨賄用壘節，必是王之司市也。云道路者，主治五溝五塗之官，謂鄉遂大夫也。謂以其授節非官不可言路，卽遂人徑畛塗道路之塗也。鄉之田制與遂同，故知旌節是鄉遂大夫所授也。云凡民遠出，至於邦國，邦國之民若來入由門者，司門爲之節。由關者，司關爲之節。若據此註，凡民出至邦國，若宅在國城中，先由門司門授之節。若宅在關內者，則由關司關授之節也。若邦國之民來入，則先由關司關授之節。若然，邦國之民入其節，直由關，不由門，亦云。由門者，因王國之民出由門，故總言之於義無妨也。云其商則司市爲之節者，此王之掌節而言貨賄用壘節，明是王之司

市非邦國之司市其實商徒從邦國來卽邦國司市
爲節故上司關註云貨節謂商本所發司市之璽節
自外來者卽案其節是邦國之璽節也云其以徵令
及家徙則鄉遂大夫爲之節者知徵令有節者見鄉
大夫云國有大故以旌節輔令則達之註云民雖命
行其將之者無節不得通是徵令有節之事又知家
有節者見比長云若徙於他則爲之旌節而行之
是家徙有節也又云唯時事而行不出關不用節也
者時事行若比長云徙於郊徙於國當鄉徙及非徵
令皆不須節兼言不出關者關內當都當邑當行不
出關皆不須節也云變司市言貨賄者司市本出璽
節授商今不言市而變言貨賄故鄭云璽節主以通
貨賄貨賄非必由市或資於民家則由門者司門與
之節由關者司關授之節故變言貨賄也云變鄉遂
言道路者容公邑及小都大都之吏皆主治五涂亦
有民也考鄉遂公邑爲溝洫法三等采地爲井田法
井田與溝洫雖俱爲溝洫稀稠有異皆有五涂以官
主當其民出入皆受旌節故變鄉遂而言道路以容

此等之官云之吏者以其都鄙之主在王朝唯吏在都鄙故以吏言之也云符節已下周法無文故皆約漢法况之案太史公本紀漢文帝二年九月初與郡國守相為銅虎符竹使符應劭曰銅虎符第一至第五國家當發兵遣使者至郡國合符符合乃聽受之竹使符者皆以竹箭五枚長五寸鐫刻篆書第一至第五張晏曰符以代古之圭璋從簡易也凡通達於鄭引之者欲明漢時銅虎符本出於此也

天下者必有節以傳輔之 必有節言遠行無有不

得節而出者也輔之以傳者節為信耳傳說所齎操

及所適 **凡通至輔之** 釋曰此經總解上經門闕諸有節并有傳輔成信驗或有節無傳或

有傳無節或節傳俱無 **無節者有幾則不達** 釋曰此亦總解上門闕已下則不得通達於天下也

內之 **無節至不達** 釋曰此亦總解上門闕已下應有節傳今無節者非直被幾又不通達前

所也。○**園**園土內之。○釋曰：知園土內之者，見比長云：無節無授園土內之故也。

遂人掌邦之野

註

郊外曰野。此野為甸稍縣都

註

外至

縣都。○釋曰：遂在遠郊百里之外，即遂人所掌之野。在郊外曰野之中，故鄭云：郊外曰野。鄭又知此野謂甸稍縣都者，從二百里至五百里，皆名野者。此遂人不言掌遂，又見下文云：以達于畿。明遂人掌野通至畿疆也。但遂人雖專掌二百里之中，乃兼掌三百里以外，其有溝洫井田之法，皆知之也。以土地

之圖經田野造縣鄙形體之灋五家為鄰五鄰為里

四里為鄣五鄣為鄙五鄙為縣五縣為遂皆有地域

溝樹之使各掌其政令刑禁以歲時稽其人民而授

之田野簡其兵器教之稼穡

註

經形體皆為制分界

也鄰里鄼鄙縣遂猶郊內比閭族黨州鄉也鄭司農

云田野之居其比伍之名與國中異制故五家為鄰

玄謂異其名者示相變耳遂之軍法追胥起徒役如

六鄉

○鄼作管反後同分扶問反又如字下分制同比毗志反下同追如字劉張類反

疏以

至稼穡○釋曰遂人以土地之圖據圖以經界其田野

野田野謂田在百里之外野中所經界者即造都鄙

已下是也云造縣鄙者此與下五家為鄰之等為總

目五家以下有六等略言者耳云皆有地域溝樹

之者從五家已下據地境界四邊營域為溝溝上而

樹之也云使各掌其政令刑禁者五家則鄰長施政

令五鄰則里宰施政令已上皆施之云以歲時稽其

人民者稽計也人民猶言夫家夫家男女也以歲之

四時計其所管男女多少而損益之云授之田野者

若下文一廛田百畷云簡其兵器者若族師旗鼓兵

韋云教之稼穡者亦若計耦耕事。○釋曰云經形體皆謂制分界也者以田野云經縣鄆云造形體之法明是為田野云經緯為縣鄆云形體二者同實而異名明俱為分界處所也云鄰里鄆鄆縣遂猶郊內比閭族黨州鄉以家數相對是同故云猶郊內也先鄭云田野之居其比伍之名與國中異制者田野之居釋經經田野比伍之名謂夫一廛田百畝也言比五則經中言五皆是也名與國中異制亦異以其六遂之內上地有萊五十畷并下劑致厖竝異也玄謂異其名者示相變耳者此後鄭直增成先鄭家數雖同其各異之意云遂之軍法追胥起徒役如六鄉者案小司徒云乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦註云鄉之田制與遂同但彼鄉中唯見出軍無田制此遂人唯見田制無出軍法故鄭彼註云鄉之制與遂同此遂之軍法追胥起役如彼六鄉互見其義明彼此皆有也但彼此雖相如據大較而言細論之

相佐助

○畔亡耕反耨音助李又音鈕疆其良反情本又作憫莫耕反又音蒙李武水反猶會古

外反下一字

音率音律又音類錢

釋

凡治至平政○

音翦劉音踐縛音博復扶又反

致畔者對六鄉之中其家一人為正卒已下皆為羨

卒此六遂之中家一人為正卒第二者為羨卒自外

竝為餘夫家取二人為下劑致畔也云以田里安畔

者田則為百畷之田里則五畷之宅民得業則安故

云安畔也以樂昏擾畔者男女人所樂故云樂昏飲

食男女人之大欲存焉故配以昏姻即順民意也以

土宜教畔稼穡者高田種黍稷下田種稻麥是教之

稼穡云以興耨利畔者耨助也興起其民以相佐助

是與民為利故云利畔也○**釋**變民至佐助○釋曰

此案大司徒小司徒主六鄉皆云民不言畔此變民

言畔者直是異外內而已無義例以其民者冥也畔

者憫情皆是無知之貌也云雖受上田中田下田者

即此下文夫一廛以下是也云以下劑為率謂可任

者家二人者則其外為餘夫是也云耒耜錢縛之屬

者詩云痔乃錢罇仍有茲基之等故云之屬鄭大夫
 讀耨為藉藉借也謂借民力所治之田民相於無此
 事故後鄭謂相佐助從子春也辨其野之土上地中地地下地以頒田

里上地夫一廛田百畷萊五十畷餘夫亦如之中地

夫一廛田百畷萊百畷餘夫亦如之下地夫一廛田

百畷萊二百畷餘夫亦如之田萊謂休不耕者鄭司

農云戶計一夫一婦而賦之田其一戶有數口者餘

夫亦受此田也廛居也楊子雲有田一廛謂百畷之

居也玄謂廛城邑之居孟子所云五畷之宅樹之以

桑麻者也六遂之民奇受一廛雖上地猶有萊皆所

以饒遠也王莽時城郭中宅不樹者為不毛出三夫

之布

○令力呈反晦音畝萊音來數色主反奇居宜反

○釋其至如之○釋曰此據在六遂之

中為野故以野言之并上地中地下地以類其田里

此皆與已下為總目也此直言上中下地亦當如小

司徒云上地家七人中地家六人下地家五人也○

註

萊謂至之布○釋曰案詩云田卒汚萊註高者萊

下者汚是萊謂休不耕者也先鄭引楊子雲有田一

塵謂百畝之居也後鄭不從以為塵與孟子五畷之

宅同者此經上中下地皆云夫一塵田百畷百畷與

一塵別言之則此塵與塵人皆謂塵綿於其中則此

乃是塵里任國中之地一也不得同為百畝之田詩

所云三百塵今者自是三百家之稅故亦塵表稅也

云六遂之民奇受一塵者釋經餘夫亦如之則餘夫

皆有田有塵是餘夫奇別更受塵備後離居之法故

奇受一塵也云雖上地猶有萊者對六鄉不言餘夫

之塵上地又無萊故云皆所饒遠也引王莽時事者

證屢是城

郭中言

凡治野夫間有遂遂上有徑十夫有溝溝

上有畛百夫有洫洫上有涂千夫有澮澮上有道萬

夫有川川上有路以達于畿田十夫二隣之田百夫

一鄰之田千夫二鄰之田萬夫四縣之田遂溝洫澮

皆所以通水于川也遂廣深各二尺溝倍之洫倍溝

溝廣二尋深二仞徑畛涂道路皆所以通車徒於國

都也徑容牛馬畛容大車涂容乘車一軌道容一軌

路容三軌都之野涂與環涂同可也萬夫者方三十

三里少半里九而方一同以南畝圖之則遂從溝橫

洫從澮橫九澮而川周其外焉去山陵林麓川澤溝

瀆城郭宮室涂巷三分之制其餘如此以至于畿則

中雖有都鄙遂人盡主其地

○眡之忍反劉音真洫况域反澮古外反乘繩

證反從子容反下同

凡治至于畿○釋曰遂人所去起呂反盡津忍反

遂地在郊外田野之中故云凡治野云夫間有遂已下五溝所以通水入川五涂所以通道向都及國城

也

○十夫至其地○釋曰

十夫二鄰之田已下

以遂之中有鄰里鄭鄙縣遂故十夫以下還以鄰鄙

鄙縣地當之鄭知遂廣深各二尺溝倍之洫倍溝澮廣二尋深二仞者此雖溝洫法與井田異制共遂溝

洫澮廣深亦與井田溝澮廣深同故鄭還約匠人井田之法而言也鄭知徑容牛馬之等義如此者此從

川上有路差之凡道皆有三塗川上之路則容三軌道容二軌塗容一軌軌皆廣八尺其眡差小可容大

車一軌軌廣八尺自然徑不容車軌而容牛馬及人之步徑是以春秋有牽牛蹊蹊即徑也云都之野涂與環涂同可也者案匠人云環涂以爲諸侯徑涂野涂以爲都徑涂鄭註云徑亦謂城中道諸侯環涂五軌其野涂及都環涂皆三軌彼註亦與此註同皆以爲都之野涂與環涂同依內則云道有三涂男子由右女子由左車從中央是以鄭解川上之路及都之野涂皆容三軌也云萬夫者方三十三里少半里者此解經萬夫有川之意從西北隅北畔至東頭有十洫一洫百夫十洫千夫千夫萬步萬步有三十三里百步百步是少半里以九澮總而言之則萬夫矣故言萬夫者三十三里少半里矣云九而方一同者案匠人云廣尺深尺謂之畧以至方百里爲同同間廣二尋深二仞彼井田法溝澮稀少而云同此雖溝洫法溝澮稠多與彼井田相準擬而言也云以南晦圖之遂從溝橫洫從澮橫九澮而川周其外焉者案詩有今適南畝又云南東其畝故以南畝圖之其田南北細分者是一行隔爲一夫十夫則於首爲橫溝十

溝卽百夫於東畔爲南北之洫十洫則於南畔爲橫
澮九澮則於四畔爲大川此川亦人造雖無丈尺之
數蓋亦倍澮耳此川與匠人澮水所注川者異彼百
里之間一川謂大川也云去山林之等其餘如此者
鄭註載師亦以此等二分去一皆大判而言之耳是
以田之法一成凡百夫亦三分去一以其餘通計出
稅故每云三百家也云以至于畿則中雖有都鄙遂
人盡主其地者遂人主六遂與司徒主六鄉同唯在
二百里以內今經云以達於畿明畿以內之中雖有
都鄙作井田之法遂人亦盡主其地明不可細主井
田尚主公邑之中爲溝澮之法與鄉遂人盡主之可知也

以歲時登其夫家之衆

寡及其六畜車輦辨其老幼廢疾與其施舍者以頒

職作事以令貢賦以令師田以起政役

註

登成也猶

定也夫家猶言男女也施讀爲弛職謂民九職也分

其農牧衡虞之職使民為其事也載師職云以物地

事授地職互言矣貢九貢也賦九賦也政役出土徒

役

○施式氏反下施舍皆同政音征註同

防

以歲至政役○釋曰云以歲時以主其夫家已下亦

如族師所云以歲之四時成定男女之等○**國**石成至徒役○釋曰云施讀為弛者以其文承老幼癯疾

之上下又別云以起政役明此不得為施政役破施為弛謂弛捨其政役也云職謂民力職也者以其頒

職而作事是民之九職使之作事而遺出九貢也云分其農牧衡虞之職者農即**田**農牧即**藪**牧衡虞即

虞衡作山澤之材不言商賈嬪婦臣妾之等者略之也云載師職云以物地事授地職互言矣者彼云物

地事不云貢此云令貢賦不云物地事地事貢賦當相互皆有也云貢九貢也者即九職之九貢非諸侯

之九貢也賦者即亦太宰九賦一曰邦中之賦二曰四郊之賦之等是也云政役出土徒役者即上註遂

之軍法如六鄉者是也。若起野役則令各帥其所治之民而至。

以遂之大旗致之其不用命者誅之。[圖] 役謂師田若

有功作也遂之大旗熊虎。[圖] 若起至誅之。○釋曰此

起徒役毋過家一人之類也。云則令各帥其所治之

民而至者謂令縣正已下縣正云若將出野民師田

行役移執事則帥而至治其政令是縣正受遂人之

令也云以遂之大旗致之者以其遂人雖是大夫合

用鳥隼之旗致眾今遂人掌眾與大司徒同故致眾

得用熊虎為旗也。[圖] 役謂至熊虎。○釋曰知役謂

師田若功作也者以其縣正所云用野民師田行役

移執事為此事致之明此役與彼同其云功作則移

執事之等是也云大凡國祭祀共野牲令野職。[圖] 共

野牲入於牧人以待事也野職薪炭之屬。[圖] 共野

釋曰云共野牲入於牧人以待事也者謂牛羊豕
 存六遂者故曰野牲牧人云掌牧六牲以待祭祀故
 知此野牲牧人云掌牧六牲以待祭祀故知此野牲
 亦入牧人以待事也云野職薪炭之屬者此官令之
 委人斂之故下委人云掌斂野之賦又云斂薪芻
 疏材木材凡畜聚之物言之屬者兼此諸物也

賓客令脩野道而委積
 委積於廬宿市
 凡賓至委積

釋曰案大司徒云今脩野道委積彼謂總令遺人此
 於百里外野道又今之故註云委積於廬宿市是亦

令遺人也 **大喪帥六遂之役而致之掌其政令及葬帥而**

屬六綽及窆陳役
 致役致於司徒給墓上事及窆

也綽舉棺索也葬舉棺者謂載與說時也庠綽旁六
 執之者天子其千人與陳役者主陳列之耳匠師帥

監之鄉師以斧泣焉大喪之正棺殯啓朝及引六鄉
役之載及窆六遂役之亦即遠相終始也鄭司農云

窆謂下棺時遂人主陳役也禮記謂之封春秋謂之

塋皆葬下棺也聲相似

○屬音燭紵音弗窆劉昌絹反穿也本作窆戚彼驗反與

註相應與說始銳反人與音餘朝直

𠄎

𠄎

致役至相

遙反之封彼驗反或如字塋補鄧反

𠄎

𠄎

似○釋曰鄭

知致役致於司徒給墓上事及窆也者以其殯及引
皆六鄉役之其墓上事及窆等六遂役之故知致役

給墓上墓上則說載下棺之等窆謂穿壙之等不言
在廟載事亦六遂役之不言者略也必致於司徒者

司徒雖主六鄉以其地官之卿掌徒庶之役亦兼掌
六遂之役故也云紼舉棺索者以其據在棺則曰紼
據在道則曰引六遂之役不在道故據在棺而言紼
也云葬舉棺者謂載與說時也者以其經云屬六紼

不據在道故知在廟載時及在壙說時也云用綽旁
 六執之者天子其千人與者案雜記諸侯執綽五百
 人大夫三百人以此約之天子千人無正文故云與
 以疑之云陳役者主陳列之耳者以其經云及窆窆
 謂下棺下棺之時千人執綽背碑負引須陳列其人
 故知謂陳列之也云匠師帥監之鄉師以斧泣焉者
 案其鄉師職知之云大喪之正棺殯啓朝及引六鄉
 役之載及窆六遂役之知義然者案大司徒職云大
 喪帥六鄉之衆庶屬其六引此遂人云帥六遂之役
 屬六綽及窆陳役鄭據此三文言之以六鄉近使主
 殯及啓朝為始在祖廟之中將行載棺於蜃車屬六
 綽則六遂為終也至於在道言引則還使六鄉為始
 至壙窆之下棺則還使六遂為終以二處合自共為
 終始故云即遠相終始也身以大司徒註云六鄉主
 六引六遂主六綽也云禮記謂之封者據檀弓云庶
 人縣棺而封及喪大記下棺亦云封是也春秋謂之
 塋者左氏葬鄭簡公有司墓之室當道毀之則朝而
 塋是也窆塋封三者字雖不同皆是下棺也云聲相

似者寔封塲皆以去聲言之故云聲相似也

凡事致野役而師田作野民

帥而至掌其政治禁令

○治直吏反下治訟皆同

○凡事至禁令釋曰此居

職未總結之言也

遂師各掌其遂之政令戒禁以時登其夫家之衆寡六

畜車輦辨其施舍與其可任者經牧其田野辨其可

食者周知其數而任之以徵財征作役事則聽其治

訟

施讀亦弛也經牧制田界與井也可食謂今年

所當耕者也財征賦稅之事

遂師至治訟○釋曰以遂師下大夫四人

所掌六遂亦如鄉師主六鄉亦二人共主三遂故云各掌其遂之政令戒禁并以時登其夫家衆寡六畜

已下皆如鄉師之職但鄉師云輦又云老幼貴賤廢疾此不言之此云經牧其田野之等彼不言之皆是互換為義故設文不同也云周知其數而任之以徵財征者謂周徧知其夫家六畜及田野之等任之據人民之數徵財征據田野之數也云作役事則聽其治訟者役事中可兼軍役田獵功作之等皆聽其治訟。施讀至之事。釋曰云施讀亦弛也者此註與鄉師同以其與其可任者對而言明施不得為施功之事故讀為弛與舍同為捨放之事云經牧制田亦與井也者但六遂制溝洫法上文所云者是令以為制界與井也又為井田法者以其遂人兼掌采地故上云掌野鄙兼言稍縣都以采地有井田法故此經云經牧其田野與小司徒文同故鄭亦兼言井也云可食謂今年所當耕者也者六遂以外上地亦有菜中下之地自然皆有菜不耕者故云今年所當耕者也云財征賦稅之事者征是賦稅財是地稅故云財征賦稅之事也雖以地稅為巡其稼穡而移用其正其中亦兼有口率出泉也

民以救其時事

註

移用某民使轉相助救時急事也

四時耕耨斂艾芟地之宜晚早不同而有天期地澤

風雨之急

○耨奴豆反艾音刈

註

巡其至時事○釋曰遂師各

註移用至之急

釋曰去地之宜早晚不同者其

地有宜早種早收有宜晚種晚收故云早晚不同云

而有天期地澤風雨之急者山出雲雨大風有隧皆

由天期而有故以天期而言此並須移用其民救其

時事故并

言之也

凡國祭祀審其誓戒共其野牲

註

審亦聽

也

註

凡國至野牲○釋曰案冢宰職云大祭祀掌百官之誓戒大司寇蒞誓百官并戒百族此官主

審其戒戒遂之

入野職野賦于玉府

註

民所入貨賄

民故不同也

以當九職九賦中玉府之用者

註

釋曰云野職謂民

九職之貢野賦謂民九賦自邦甸家稍縣都之等口
 率出泉以其在遠郊之外故皆以野言之也云中玉
 府之用者亦自遂師自當徵其穀稅泉以入大府分
 之衆府也若然案大府職云式貢之餘財以共玩好
 之用入於玉府彼入玉府者是民貢之餘財財之美
 者由大府乃入玉府此經入玉府者非財之美不堪
 王之玩**賓客則巡其道脩庀其委積**
 好者也

治道路也故書庀爲此鄭司農云此讀爲庀庀具也

○庀又作庇匹爾反具也劉副**賓客至委積**○釋

美反一音芳米反脩行下孟反**巡其道脩者大**

司徒云野脩道委積據國外曰野**大喪使帥其屬以**

在六鄉之中者此據六遂之中者**幄帟先道野役及窆抱磨共丘籠及蜃車之役**
 使

以幄帟先者大宰也其餘司徒也幄帟先所以爲葬

窆之間先張神坐也道野役帥以至墓也丘籠之役

窆復土也其器曰籠蜃車柩路也柩路載柳四輪迫

地而行有似於蜃因取名焉行至壙乃說更復載以

龍輶蜃禮記或作搏或作軫役謂執紼者鄭司農云

抱磨磨下車也玄謂磨者適歷執紼者名也遂人主

陳之而遂師以名行按之○磨劉音歷籠力董反蜃

臥反復音服或音福乃說如銳反或吐活反更復扶

又反輔勅倫反搏市專反李徒官反軫市專反適音

的又**大喪**至之役○釋曰大喪謂王喪也云使帥

音澤**其屬**以幄帟先者謂大宰官使其屬以幄帟
先行至壙云道野役者謂司徒導引野中之役出國
城至壙云及窆抱磨者及至也謂柩車至壙窆下棺

也下棺之時遂師帥其執紼者之人名歷適而按數之也云共丘籠者土曰丘謂共為丘之籠器以盛土也云及蜃車之役者謂祖廟中將行共蜃車以載柩之役人也。○使以至按之。○釋曰知使以幄帟先是宰者以其天官幕人掌共帷幕幄帟綬屬大宰故知使幕人以幄帟先是大宰也云其餘司徒也者以其司徒主衆庶故知野役之徒皆司徒令之也云幄帟先所以為葬寔之間先張神坐也者謂柩至壙脫載除飾柩則在地未葬寔之間須有凶靈神坐之所故知大幕之下宜有幄之小帳小帳之內而有帟之承塵以為神坐也云道野役帥以至墓也者以其云導導是帥引之言故知從廟帥引往至墓所也云丘籠之役窆復土也者窆謂穿地復土謂下棺之後以壙上土反復而為丘壟者須籠器以盛上也云蜃車柩路也者人君所居皆曰路故云柩路也云柩路載柳四輪迫地而行者謂在祖廟中遂匠納車於階間卻而上載之乃加帷荒帷荒即柳也四輪迫地而行即輕車以二軸而貫四輪四輪即許氏說文云無

輻曰輅者也云似於蜃因取名焉者此解名爲蜃車之意云行至曠乃說更復載以龍輅者以其天子諸侯殯時用輅車卽檀弓所云藁塗龍輅天子之禮是也諸侯不龍其輅而已殯旣用輅明葬時用輅可知云蜃禮記或作搏或作輅者案雜記云載以輅車鄭註云輅讀爲輅或作輅彼經作輅一部禮記作輅或作搏彼經不爲輅者但輅輅字雖異其義同故此云或有作輅字團又轉誤爲國字者故旣夕記云遂匠納車於階間註云車載柩車周禮謂之蜃車雜記謂之團車喪大記又謂之國車也先鄭云抱磨磨下車也者於義無所當故後鄭不從也後鄭云適歷執紼者名也者謂天子千人分布於六紼之上謂之適歷者分布稀疏得所名爲適歷也云遂人主阼之者案上遂人云及窆陳役是也云而遂師以各行校之者但執紼之人其碑負引而退行遂師抱持版之名字巡行而校錄之以知

軍旅田獵平野民掌其禁令比敘

在否故云抱磨也

其事而賞罰

圖

平謂正其行列部伍也鄭司農云比

讀為庀

○比敘匹爾及出註行列戶剛反

圖

軍旅至賞罰○釋曰軍旅謂征伐田獵謂四時

田云平野民者謂遂師平正六遂之民也云平野民也云比敘其事而賞罰者遂師校比次敘其行伍而行賞罰也○**圖**平謂至為庀○釋曰周禮之內云比

者後鄭皆為校比先鄭皆為庀庀為具得通一義故引之在

下也

遂大夫各掌其遂之政令以歲時稽其夫家之衆寡六

畜田野辨其可任者與其可施舍者以教稼穡以稽

功事掌其政令戒禁聽其治訟

圖

施讀亦為弛功事

九職之事民所以為功業

圖

遂大至治訟○釋曰此一經與遂師職意同但

互見其義耳。○**施**讀至功業。○釋曰云功事九職之事民所以為功業者大宰以九職任萬民彼云任即此功事謂任**令為邑者歲終則會政致事**不言

之使有功者也。其遂之吏而言為邑者答公邑及卿大夫王子弟之

采邑政令戒禁遂大夫亦施焉

釋曰言之者若直

言遂之吏則不容公邑與采邑今遂大夫不言遂之

史變云為邑則遂中可以兼公邑采邑二者故云政

令戒禁遂大夫亦施焉以其逐人云掌**正歲簡稼器**

野又云以達于畿故知亦施政令戒禁**脩稼政**簡猶閱也稼器耒耜鎡基之屬稼政孟春

之月令所云皆脩封疆審端徑術善相丘陵以險原

濕土地所宜五穀所殖以教道民必躬親之。○術音遂相息

音導

疏

簡猶至親之。釋曰云稼器耒耜鉉基

也云稼政孟春之月令所云皆脩封疆者此是月令

鄭註彼封疆謂田首之分界也云審端徑術者彼

註術書為遂引遂人職云夫間有遂遂有徑審

之使脩理也云善相丘陵阪險原隰者土之高者曰

丘大阜曰陵坡者曰阪險下溼者曰隰高平曰原也

云土地所宜者即丘陵巴下若高田種黍稷下田種

稻麥丘陵阪險種桑棗是也云以教道民必躬親之

者彼約束典田大夫必身親檢校之以證稼政之事

三歲大比則帥其吏而興眡明其有功者屬其地治

者

疏

興眡舉民賢者能者如六鄉之為也興猶舉也

屬猶聚也又因舉吏治有功者而聚勅其餘以職事

○比毗志反下微比及註同屬音燭聚也計曰治直吏反

疏

三歲至治者○釋曰云三歲大比已下若

鄉大夫三歲大比興賢者能者其義同變之耳云帥
其吏者則遂大夫已下縣正至鄰長○興毗至職
事○釋曰云興毗舉民賢者能者如六鄉之為也者
此文不具故鄭就鄉大夫解之彼以鄉飲酒興賢能
者厥明獻賢能之書於王王拜而受之登於天府內
史貳之此職亦然也云興猶舉也屬猶聚也者謂當
興舉之時因舉治民之吏鄰長以上吏之有功者而
升之又聚其地治鄰長以上勅之以職事使之不慢
也凡為邑者以四達戒其功事而誅賞廢興之

四

達者治民之事大通者有四夫家眾寡也六畜車輦

也稼穡耨也旗鼓兵革也

凡為至興之

釋曰此言為邑者義如上

不言遂之吏而言為邑者容公邑及采邑也云以四
達戒其功事者達通也謂將口通之事以戒勅其功
事功事即上註九職之功業也而誅賞廢興之者
此下如入官註大有功不徒興又賞之大無功不徒

廢又誅之故誅其廢興連言之也。釋曰鄭知四達是夫家已下者此無正文唯約上下文而知義爾案遂帥云夫家眾家六畜車輦此遂大夫亦云夫家眾寡以教稼穡鄭長云以旗鼓兵革帥而至又云趨其耕耨鄭據而言故以四事當此四達

縣正各掌其縣之政令徵比以頒田里以分職事掌其

治訟趨其稼事而賞罰之

徵徵召也此案比如字趨

李倉苟反本縣正至罰之釋曰以一遂有五縣

又作趣音促故云各掌其縣之政令徵比考謂取

教號令徵發校比之等也云以頒田里者不如上文

夫一廛田百畷也云以分職事者即九職之功事也

若將用野民師田行役移執事則帥而至治其政令

移執事移用其民鄭司農云謂轉相佐助

若將移執事移用其民鄭司農云謂轉相佐助

令。釋曰云若將由野民者言將事未至之時預徵
召野民也言師田謂出師征伐及田獵也言行役謂
若巡狩及功役言移執事
謂移徙用民以執事也
既役則稽功會事而誅賞
既乃稽考其功多少當計會其事之可否而有功者
賞無功者誅也

鄙師各掌其鄙之政令祭祀

圖 祭祀祭祭也

音詠 **圖**

鄙師

至祭祀。釋曰五鄙為縣五百家為鄙故云各掌其
鄙之政令也。 **圖** 祭祀祭祭也。釋曰知鄙祭祭者

鄙與六鄉黨同黨祭祭故 **凡作民則掌其戒令** **圖** 作

知此鄙所祭祀謂祭祭也 **民謂起役也** **圖** 起役者案下鄰長云若作其民而用

之則以旗鼓兵革帥而至又上文每 **以時數其眾庶**
云野役故知此作民亦是起役事也

而察其燬惡而謀賞

四時也

時四時也

○數色在反

燬音美

四時也

四時也。釋曰知時四時者見鄉師職云凡四時之徵令則凡言歲時者皆是四時唯鄉師云賙萬民之難阨而云歲時巡國及野者鄭註云隨其事之時不必四時難阨非常故也

歲終則會其

鄙之政而致事

鄮長各掌其鄮之政令以時校登其夫家比其眾寡以

治其喪紀祭祀之事

校猶數也

鄮長至之事

釋曰以其一鄙

五鄮故云各掌其鄮之政令也云以治其喪紀者謂

民之喪紀若鄉師所云族共喪器之類治其祭祀者謂若族祭醮之類若然縣當祭社與州同縣正鄙師鄮長皆不言所祭神者六遂與六鄉互見其義也

若作其民而用之則以旗鼓兵革帥而至若歲時簡

器與有司數之註簡器簡稼器也兵器亦存焉有司

遂大夫疏謂師田及巡守之等直言以旗鼓兵革不

言車輦文不具註簡器至大夫釋曰云簡器簡

稼器也者見遂大夫職云正歲簡稼器脩稼政則此

官與遂大夫共簡之故註云有司遂大夫也知兵器

亦存焉者以遂大夫云簡稼器此不言稼直云器故

知器中兼有兵器旗鼓凡歲時之戒令皆聽之趨其

兵革亦有在其中也

耕耨稽其女功註聽之受而行之者女功絲枲之事

疏凡歲至女功釋曰此鄭長彌親民故趨其耕耨

并稽考女功之事註聽之受至之事釋曰鄭

知聽之為受而行之非聽斷之者以鄭長中士官惟

承受遂人已下之事不得專聽斷故知聽謂受聽而

行之也知女功絲枲者案禮記內則論女功云執

麻枲治絲繭故知此女功亦治絲枲以為有

里宰掌比其邑之衆寡與其六畜兵器治其政令註

猶里也

疏里宰至政令。釋曰里宰二十五家不言

可知。註邑猶里也。釋曰邑是人之

所居之處里又訓為居故云邑猶里也。以歲時合耦

于耜以治稼穡趨其耕耨行其秩敘以待有司之政

令而徵斂其財賦註考工記曰耜廣五寸二耜為耦

此言兩人相助耦而耕也鄭司農云耜讀為藉杜子

春云耜讀為助謂相佐助也玄謂耜者里宰治處也

若今街彈之室於此合耦使相佐助因放而為名季

冬之月令命農師計耦耕事脩耒耜具田器是其歲

時與合人耦則牛耦亦可知也秩敘受耦相佐助之

次第○治處直吏反街音佳彈
如字一音丹放池方徃反
註以歲至財賦○釋

歲之四時云合耦于耨者耨助也謂合兩兩相佐助

於里宰處云以治稼穡者謂治理其民使為春稼秋

穡之事云趨其耕耨者謂使民趨時以春耕夏耨云

行其秩敘者謂使民行其合耦使有次第云以待有

司之政令而徵斂其財賦者以六遂之賦稅縣師徵

之旅師斂之則此財賦言待有司徵斂者謂縣師旅

師也○註考工至次第○釋曰鄭引考工記者欲證

合耦為二人共發一尺之地乃成畎以通水之意也

先鄭云耨讀為藉者藉借也非相佐助之義故後鄭

不從之也杜子春讀耨為助謂相佐助也於義合但

文今不足故後鄭從其義也玄謂耨者里宰治處也

若今街彈之室者鄭以漢法况之漢時在街置室檢

彈一里之民於此合耦使相佐助因放而名耨也引

異文

歲時興言與以疑之也云合人耦則
 者周時未有牛耦耕至漢時搜粟都尉趙過始教民
 牛耕今鄭云合牛耦可知者或周未兼有牛耦至漢
 趙過乃絕人耦專用牛耦故鄭兼云焉云秩叙受耦
 相佐助之次第者或家有一夫二夫共耦若長
 沮桀溺耦而耕或先後次第相佐助為之也

鄰長掌相糾相受

註

相糾相舉察

疏

鄰長至相受。釋曰鄰長不命之士

為之各領五家使五家有過各
 相糾察宅舍有故又相受也
 凡邑中之政相贊
 長短使相補助
疏謂一里之內有上政令徵求則五
 鄰共相贊助此則以長補短
 故鄭云長短使相補助也
 徙于他邑則從而授之
註從猶隨也授猶付也
 徙于至授之。釋曰古者
 不便其居則徙于他遷向他
 遂非直徙於他則以旌
 過亦當以旌節將行加六鄉
 比長云徙於他則以旌

節而行之出鄉無節
則唯園土內之是也

諸暨圖書
ZHUJI LIBRARY

周禮疏卷之三



 諸暨圖書館
 ZHUJI LIBRARY

Fragment of a library label or stamp on the right edge.



諸暨圖書館
— ZHUJI LIBRARY —



諸暨圖書館
— ZHUJI LIBRARY —